





R.10

1201. ~~10~~ ~~10~~

12:





LIBELLI
DE
ECCLESIASTICA
ET POLITICA.
POTESTATE.

ELENCHVS.

PRO SUPREMA ROMANI
Pontificis in Ecclesiam autoritate.

AD ILLVSTRISS. ET REVERENDISS.
S. R. E. Cardinalem Dom. IACOBVM DAVY
DV PERRON, Senonum Archiepiscopum
Galliarum & Germaniæ Primatem & magnum
Franciæ Eleemosynarium, &c.

Auctore ANDREA DV VAL Doctore Sor-
bonico, & sacre Theologiæ in Parisiensi
Academiâ Regio Professore.



Problema

PARISIIS,
Apud FRANCISCVM IACQVIN, in
vico Latomorum.

Anno M. DC. XII.

CVM APPROBATIONE DOCTORVM.

*Sed cum libri facies auctoris nomen
non proderet, nec Typographi præ-
lum, aut venditoris domum desi-
gnaret, nullaque Theologorum
approbatione liber esset obsignatus,
sub specioso illo flore tituli gravioris
pestilentem spuria cuiusdam doctrinæ
auram contineri statim sum suspica-
tus: neque profectò iudicium fefellit
cuentus. Cum enim numeros libelli
omnes, adhibito diligentiori ex amine
sigillatim, ac intentè expendissem, eū
erroneis documentis, ne dicam hereti-
cis passim conspersum manifestè de-
prehendi. Quæ cum viderem non sine
magno Ecclesiæ Catholicæ, & sanctæ
sedis Apostolicæ damno & iniuriâ
indies latius serpere, & ad eviden-
tem animarum perniciem dissemina-
ri, è re Christianâ fore putavi, si ad
hæc pessimarum opinionum monstra*

debellanda, & ad tot errorum macu-
las, priusquam altius insiderent & in-
ueterarent eluendas, memet accingere.
Maxime vero cum inde non minima
labes Sorbonæ nostræ candorem ac pu-
ritatem inficere ac dehonestare videre-
tur. Et id quidem negotij eò libentiùs
ac securiùs suscepi, quòd ad corruptis-
simi istius libelli iustam exauthoratio-
nem tuæ authoritatis grauissimum
pòdus accesserit, qui cõuocato selectio-
rum antistitum cœtu Anonymum
hunc libellum falsi redargueris, &
& censorià notà dignum iudicaueris.
Cui tam prudenti responso, imo decre-
to tam sancto & iusto, si quis obistere
audeat, non modo gnauiter impudēs,
sed & Ecclesiastica Hierarchie pacis-
que Christianæ perturbator habebi-
tur. Atque hoc est quod apologetico
meo libello institui demonstrare, Car-

dinalis Illustris. quem tibi amplissi-
maque dignitati tuæ, pro eo ac debui
offerendum consecrādumque putavi,
Tibi, inquam, quem tota Gallia, imo
& Christianus orbis uniuersus suspi-
cit ac veneratur, & qui in hac causâ
sedisti iudex arbiterque aequissimus.
Spero honorati tui nominis inscriptio-
nem huic meo libello præpositam, non
libellum modò, quem à me sincerus pu-
blicæ utilitatis amor expressit, sed &
Auctorem qui se tibi profitetur de-
uinctissimū, ab aduersariorum acu-
leis facile vindicaturam. Bene vale,
è Sorbonâ tuâ pridie Nonas Martij,
Ann. 1612.

INDEX


REFVTATIONVM

LIBELLI DE ECCLESIASTICA

& Politicâ Potestate, cuius Author

in decursu huius examinis

dicitur Anonymus.

1.  ED ARGVITVR *Anonymi principium, quo asserit partes esse per totum, & docetur esse quidem propter, non tamen per totum. pag. 12.*
2. *Quod Christus fundando Ecclesiam prius, essentialiter, & immediatius claves ipsi Ecclesiæ nō dedit, quam D. Petro & Apostolis, seu quàm Pontifici ac Prelatis. pag. 13.*
3. *Quod hac propositio sapiat heresim, nempe propriè datas esse claves Ecclesiæ. pag. 22.*
4. *Quod ineptè, falsò & temerè dixerit, Christum per hæc verba Dic Ecclesiæ, Ecclesiam sufficientem & Architectonicam constituisse. pag. 24.*
5. *Quod similiter falsum sit, Christum suos Apostolos collectiue misisse, id est eis simul & coniunctim iurisdictionem contulisse. pag. 29.*
6. *Explicatur quomodo intelligēdi sunt Cyprianus & Augustinus quando dixerunt claves esse datas vnitati, vbi expositio contraria Authoris Anonymi reprehenditur. pag. 31.*
7. *Exponitur quod ex B. Bernardo adfert, & in eum retorquetur. pag. 37.*

- 8 *Quòd falsò & cum iniuriâ Prælatorum dixerit, potestatem Ecclesiæ in facultate excommunicandi con- quiescere. pag. 39.*
- 9 *Quòd electiones non sint de iure diuino & natura- li, vbi ostenditur propositionem Authoris Anonymi Pontifici, Regi, Prælatis, totique Regno Galliæ iniu- riam maximam inferre. pag. 42.*
- 10 *Quòd seditiosè & temere dixerit omnem Principa- tum quoad vim coactiuam ab hominum consensu pendere. p. 48.*
- 11 *Quòd definitio Ecclesiæ ab eo allata mala sit, & hæ- resim manifestè sapiat, & in eâ cõtineantur quedam regi iniuriosa. pag. 52.*
- 12 *Quòd schismaticè & cum Philippo Morneo dixe- rit Ecclesiam posse subsistere sine Papâ. pag. 54.*
- 13 *Notatur mendacium, quo sedem Pontificiam per 7. annos vacâsse scribit, cum ne-quidem per tres vacaue- rit. p. 59.*
- 14 *Non esse oligarchiâ quando Pontifex alios ab Epis- copis pro Ecclesiæ rebus cogit, eo siquidem nomine sa- crum Cardinaliũ collegium sugillat Anonymus. p. 61.*
- 15 *Quòd ad hæresim Aërianam quâ Parœci aut sacer- dotes æquantur Episcopis, accedat Anonymus. p. 65.*
- 16 *Infalibilitatẽ decernendi non esse in Concilio Pon- tifice destituto. Vbi reprehenditur Anonymus quòd à multitudine Prælatorum Concilij valorem & infal- libilitatem petat. pag. 68.*
- 17 *Non esse de fide Pontificem habere infalibilitatem decernendi, certius tamen & probabilius esse cum*

quatenus agit Vt Pontifex, illam habere. pag. 72.

18 *Quòd destruat Anonymus statum Ecclesiæ Monarchicū, cum dicit ad iustam moderationem non vnius tantum Romani Pontificis, sed duorum aut trium cōsensum requiri. pag. 75.*

19 *Pontificis præsentiā in Concilijs non adimere Episcopis ius definiendi, pag. 76.*

20 *Expositio hæretica Anonymi, quā promissionem Christi de fide Petri non defecturā, ad solum tempus passionis refert. pag. 79.*

21 *De fallaciā dicti secundum quid, ad dictum simpliciter. pag. 85.*

22 *Propositio Anonymi seditiosa: præstat lege quā Rege gubernari, vbi ostenditur eam hæreticis fauere. pag. 86.*

23 *Anonymū viam sternere ad inobedientiam, & ad appellationes continuas, cum decretales & bullas Pontificum affirmat non esse recipiendas, nisi antiquis conformes sint: vbi ostenditur eum Canonem Si Romanorum & Canonem omnia falsò citasse. pag. 92.*

24 *Hæresi affine esse quod ait, omnes decretales editas ante Nicenum Conciliū esse exiguæ fidei. & de Hincmaro Rhemensi. pag. 94.*

25 *Lutheri, Caluini, & Valdensium propositio, Ponticem non posse condere Canones. pag. 99.*

26 *Contra fidem esse hanc Anonymi propositionem, à Gregorij VII. tēpore omnes nationes Christianas fuisse summis ignorantiae tenebris consopitas, & de Gregorio VII. pag. 109.*

- 27 *Peſſimè ſentire Anonymum cum innuit Pontificem eſſe ſuperfluum, & non neceſſarium. pag. 112.*
- 28 *Quòd ſummus Pontifex ſine Concilio Epiſcoporum Ariſtocratico excommunicationes legitimè ferat, & olim tulerit. pag. 115.*
- 29 *Quòd imprudenter adduxerit Anonymus verba illa Chriſti, Regnum meum nō eſt de hoc mundo, & vulpes foueas habent, filius autē hominis non habet vbi caput reclinet. pag. 119.*
- 30 *Quòd adulterauerit dictum Constantini, vos intra, ego autem extra à Deo Epiſcopus conſtitutus ſum. pag. 120.*
- 31 *Exponitur dictum Optati Mileuitani Eccleſia eſt in Republicâ. pag. 123.*
- 32 *Schiſmatica propoſitio, Principes politicos poſſe Concilia Oecumenica conuocare. pag. 127.*
- 33 *Quòd Petrus non ſit per Eccleſiam. pag. 133.*
- 34 *Quòd Anonymus ignoranter, nedicam hæreticè diſtinxerit ſtatum à Regimine, & illum voluerit Monarchicum, hoc verò Ariſtocraticum. pag. 138.*
- 35 *Explicantur duæ propoſitiones quas dicit non eſſe vnius aſſis. pag. 139.*
- 36 *Quòd falſa & ſtulta ſit ea propoſitio, nos nō poſſe eſſe beatos niſi libertate ferendæ ſententiæ in Concilijs. pag. 141.*
- 37 *Quòd Papa ſolū deponi poſſit propter hæreſim. p. 143*
- 38 *Quòd ſummi Pontifices etiam in propriâ cauſâ audiendi ſint. pag. 148.*
- 39 *Quòd Catholici non ſint deſpoticè Pontifici Romano ſubiecti, etiam ſi ipſe ſit ſupremus in Eccleſia. pag. 150*

- 40 Quòd *Anonymus* contradicat decretis *Facultatis*
Parisiensis. pag. 152.
- 41 *Recensentur Doctōrū Parisiēſium*, à quibus recessit
Anonymus, locupletissima contra ipsum testimonia.
pag. 193.
- 42 *Brevis ad Anonymum exhortatio*. pag. 159.

AD LECTOREM.

Pag. 60. linea 3. pro, Galeno, lege, Galerio. ibidem linea 5. pro,
Marcellinus, lege, Marcellus. pag. 64. linea 4. pro, ὁμοῦσιον,
lege, ὁμοῦσιον. Si quæ alia occurrant, benigne si placet excusato.

Approbatio Doctorum.

NOS subscripti Doctores in alma Theologiæ Facultate Parisiensi indubiam, statam, & constantem fidem facimus, integrè & accuratè nos perlegisse codicem hunc à Magistro ANDREA DV VAL, in eadem Facultate Regio Theologiæ Professore editum, ad vindicandam à calumniis & imposturis Libelli nuper ab Anonymo quodam confarcinati auctoritatem & dignitatem sanctissimi Domini N. Papæ in Ecclesiâ Catholicâ & Romanâ *καρυσταύτης*, in quo quidem codice apologetico, nihil visum est nobis quod auitæ & patritæ sanctorum Patrum, sacrorum Cōciliorum fidei, aut decretis nostræ Facultatis Theologiæ minùs cohæreat, imo præclara quæque habet rationum & auctoritatū *ἐπιχειρήματα*, quibus deinceps & mala scripturientium cōtra Romanum illum apicem scabies consopiatur, & obloquentium optimo illi Catholicorum omnium Parenti incoercibilis lingua quasi ranarum seriphiarum æternùm requiescat. E museis nostris in Academia Parisiensi 3. Nonas Martias 1612.

GESLIN.

FROGER.



LIBELLI
DE ECCLESIASTICA
ET POLITICA POTESTATE
ELENCHVS.

NON ingratum fore arbitror, si Libelli de Ecclesiasticâ & Politicâ potestate, paucis ab hinc mensibus in hac vrbe editi, sed nescio quo pudore, arguente credo conscientia, in scrinio diu antea asseruati, errores detegam: simulque in transcurso absque ampliori refutatione, ne actum agere videar, in eos animaduertam. Sic enim & breuitate, fastidio lectorum occurram; errorum redargutione, errantium saluti consulam;

& veritatis ostensione Sorbonam
nostram Libello illo miserrimè dif-
fissam, quantum in me erit, resar-
ciam: Et quamvis authorem eò de-
uenisse non putem, vt ad hæreti-
corum castra tanquam Ecclesiæ
perduellis trāsfigerit, aut vnquam
vt credo transfugiet; dissimulare
tamen nequeo, quin magnam ad
conflandum scisma, contra supre-
mum Ecclesiæ moderatorem, Ro-
manum nempe Pontificem, suis
numeris accessionem parauerit,
ne dicam apertissimam & largissi-
mam viam strauerit: in quo me-
minisse certè debuit similitudi-
nis à se toties repetitæ, summum
nempe Pontificem esse in Ecclesiâ
quod in homine est oculus, vnde
vt oculus nunquam nisi cum eui-
denti periculo contrectatur, sic nec
sacra & intemeranda Pontificis au-
ctoritas, sine magnâ & euidente

animarum pernicio contrectari, in
dubium reuocari ne-dum perne-
gari vnquam potest: Hac enim de
Ecclesiæ meditullio sublatâ (si ta-
men ipsa tunc superstes esse valeat)
nullum amplius Catholicis, ad se
de hæresibus in eos irruentibus
vindican- dum, restat remedium:

Hic in tres partes, inquit Hiero- Epistola
ad Dama-
sum.
nymus, scissa est Ecclesia, me ad se se-
stinat rapere Meletius, Ego interim
clamito, si quis Cathedræ Petri iun-
gitur, meus est. Quisquis extra hanc
domum Agnum comederit prophanus
est, si quis in arcâ Noë non fuerit per-
ibit regnante diluui- o: Et vt in corpo-
re humano ex Chirurgorum indu-
bitatâ maximâ non aliunde quam
ex solutione continui nascitur do-
lor: Sic in mystico Christi cor-
pore non ex alio fonte hæreses, scif-
mata, dissidia & cæteræ id genus
humani generis pestes prodire so-

lent, quam quia vni eique supremo in Ecclesiâ pastori non obeditur: Quod in mundo Sol, quod in corpore oculus, quod in arbore radix, quod in fluuio fons, quod in grege pastor, hoc in Ecclesiâ supremus est Pontifex: abstrahatur radius à Sole, eruatur oculus à corpore, ramus à radice præscindatur, fluuius à fonte diuertat, & grex à pastore segregetur, nunquid vniuersa hæc quamprimùm emori & in interitum ruere necesse est? Narrant rerum naturalium indagatores Hyæná ferocissimum animal ita ouium greges circuire, vt pastorem primò tantùm petat, naturæ miro instinctu, quòd eo fugato, aut deuorato in vniuersum gregem liberiùs & faciliùs sæuiat: Quæ cum attētiorē mente perpenderem, sensi me ad parandam aliqualem prædicto libello responsionem impulsū:

eoque ardentius quod multos calamitoso hoc tēpore de scismate, & defectione à sanctâ sede Apostolicâ (& si Catholicorum nomen & insignia præ se ferant) cogitare videam. Deinde cum author eo collimare videatur, vt omnibus persuasum velit doctrinam suam non esse priuatâ, sed communem totius Sorbonæ, quæ hodie tot tantisque claret Doctoribus, à quibus cum proficisci credetur, facilius & dulcius virus illius narcoticū propinabit, Ego de huiusce Facultatis gremio licet omnium minimus, venienti illi morbo occurrere statui, imposturâ hominis detegere, & doctrinam illius non esse communem sed priuatam ostendere, vt caueât monitore Augustino, qui eam tenere voluerint, ne cōmuni & Catholicâ cum euidenti salutis periculo iustè & meritò à Deo priuentur.

Paucis ergo rem ipsam aggrediemur : & ne quis primo in limine offendat, protestationes lubet præmittere ad instar nostræ Facultatis Baccalaureorum. Protestor itaque me toto hoc opere abstinere velle ab eis quæ vel potestatem regiam tantillum possunt imminuere, aut sacrorum & œcumenicorum cōciliorum auctoritatem labefactare, aut libertates immunitates & priuilegia Ecclesiæ Gallicanæ conuellere, aut Magistratum seculatē vel minimū lādere, aut decretis Facultatis Parisiensis aduersari, ita ut si quid mihi in progressu istius examinis exciderit (quod tamen non euenturum spero) vel celeritati calami, vel mentis meæ festinationi attribuendum velim. Et ne quem nostri huius instituti ratio lateat, primū quidem quæ in formâ animaduertenda vo-

7
niunt breuiter proferemus, tum ad
materiam, eiusque patentissimos
errores disputationem nostrā con-
uertemus. In quā quamuis animus
sit, cōtra ea quæ receptissimis veri-
tatibus aduersātur manus præcipuè
conferere, ea tamen referre non
desinemus, quibus auctor sibi a-
pertissimè contradicit, vt quis-
que iudicet, quanti ab omnibus
fieri debeat, qui non modò cum
veritate pugnat, sed ne quidem
cum seipso consentit.

Quod itaque spectat ad formā, in
eā peccat grauissimè, vnde meritò à
Prætore in ius vocandus esset. Pri-
mum enim duo decreta facultatis
Theologicæ ad calcē libelli appo-
nit. vnū anno 1429. datum. alterū
quod sex articulos tēpore Francisci
primi editos complectitur. Id au-
tem motu proprio, & absque vlllo
Facultatis mandato, imò quoad ar-

ticulos contra expressam illius prohibitionem anno 1610. Kalendis Iulij factam, præsumpsit. Secundò in programme horum decretorum ita habet. *Decreta facultatis Parisiensis de Potestate Ecclesiastica, & primatu summi Pontificis contra sectarios huius sæculi*: ubi per sectarios non potest hæreticos saltem ratione decreti primi intelligere, quippe-cum aduersus eos tantum latum sit, qui Papæ nimium, vt putat, tribuebant & etiamnum tribuunt, qui certè non sunt hæretici, cum nondum in Ecclesiâ grassarentur; tantumque abest vt ipsi nimium Pontifici tribuant, quin potius omnem ei potestatem in Ecclesiam adimunt: igitur velit nolit fateatur necesse est, se famoso illo sectariorum nomine contra mentem Facultatis, catholicos iurium sedis Apostolicæ propugnatores

hæresis infimulare. Ex quo satis cuius constare potest, eum nondū abiecisse erroneam illam opinionem, quam in scholâ Dominicanorum Parisiensium, coram illustrissimo Cardinale Perronio nuper impudentissimè professus est, de fide esse Concilium esse supra Papam, cuius falsitas à magno illo Cardinale validis rationibus in amplissimis illis Comitibus demonstrata est. Et si enim Parisiensis Academia stet à partibus Conciliorum generalium, non tamen propterea unitatem cum cæteris Academiis discindit, neque earum Doctores pro deuijs à fide habet, aut vnquam habuit. Et quamuis in assertionem magis quam in assertorem insurgere statuerim, præterire tamen nō possum hominis malè affecti animum, qui in recensendis protestationibus Baccalaureorum, tantum

meminit decretorum Concilio-
rum generalium, & Facultatis Pari-
siensis, prætermittens contra mo-
rem, summorum Pōtificum, quod
de industriâ fecit, vt potestaté con-
dendi canones, contra quam toto
libro debacchatur, ipsis summis
Pōtificibus faciliùs adimeret: Quin
etiam eum fraudis dolique mali-
reum iudicauerim, quòd ad calcē
libelli dixerit, *hæc Ecclesiæ Catholi-
cæ subiecta sunt*, omittendo adhuc
contra morem *Apostolicæ & Ro-
manæ*, quæ tamen sola dici potest
Catholica. Sic enim Ambros. *per-
contatus est olim ab Episcopo, utrum
cum Episcopis Catholicis, id est, cum
Romana Ecclesia consentiret; & Hie-
ronymus, fidem tuam, inquit, quam
vocas eam-ne quam Romana colit
Ecclesia? si Romanam respōderis, ergo
Catholici sumus. Itaut non aliter
quàm per Romanæ Ecclesiæ pro-*

Orat. de
Satyro
fratre.

L 1. Apol.
1, contra
Ruff.

cessionem Catholici ab hæreticis
 secernantur. Vnde ab authore
 sine graui offensâ istud omitti non
 potuit. Missos facio leuiiores in for-
 mâ defectus, vt quòd Liber sit ano-
 nymus, quòd omissum nomen Ty-
 pographi, quòd approbatione Do-
 ctorum careat, quòd importuno
 tempore & loco sit editus, idque
 contra consilium grauissimorum
 Doctorum, qui libellum hunc ti-
 neis, blattis, muribus relinquendū
 iudicârunt. Ad errores venio.

D. Gama-
 che & He-
 bert.

Vulgare est atque indubitata fidei 1. pag.
axioma, Deum & naturam prius at-
que immediatiùs, ad totū suppositum,
quàm ad aliquam partem suppositi,
quamuis nobilissimam intendere, eam-
que ob causam facultatem videndi
toti datam esse homini, nam oculus
per & propter hominem.

De hoc axiomate non magno-
 pere laboramus, neque enim Phi-

losophos, sed Theologos agimus.
 Doctorem tamen anonymum hoc
 vnum scire velim, vt se soluendo è
 portu grauitè allisissè agnoscat, &
 quæ prauo isto sunt inchoata prin-
 cipio, peiorem finem esse habitura
 non dubitet. Nam etsi certum sit
 oculum esse propter hominem, seu
 potius ad illius conseruationem &
 directionem, falsum tamen est esse
 per hominẽ. Primò quia simul sũt
 oculus & homo, neque vnus est al-
 tero prior, aut posterior. Quinimo
 cum oculus sit pars hominis, &
 partes totum ipsum ordine saltem
 naturæ præcedat, potius homo erit
 per oculũ & alias partes, quàm ipse
 per hominem. Deinde caussa fina-
 lis & efficiens numquam in vnum
 & idem coeunt (si vnum Deum ex-
 ceperis) finalis enim mouet quate-
 nus absens, efficiẽs vero vt præsens,
 illa solum metaphoricè, hæc vero

physicè, & realiter, illa actionem intentione præcedit, & in executione sequitur, at vero efficiens contra. Sed quid authorem impulit, ut similitudinem oculi potius quàm capitis assumeret? cum vtrumque sit pars hominis, & propter hominem? Nihil certè, nisi quod in Pontifice dignitas illa capitis ipsi displicet. Quid enim est quod toties inculcat *Pontificem esse caput secundum quid, ministeriale, instrumentarium, secundarium, accidentale*, nisi ut eam omnino cōuellat, destruatque? Sed de hoc infra vberius.

Schola Parisiensis hoc infallibiliter munita firmamento, congruenter ad mentem omnium antiquorum perpetuò constanterque docuit, Christum fundando Ecclesiam, prius, immediatius, atque essentialius claves sue iurisdictionem toti dedisse Ecclesiæ, quàm Petro.

Sed imprimis vbi vnquam apud Philosophos reperit, *essentialius*? rerum enim essentiaë indiuisibiles sunt, & similes numeris qui additâ aut detractâ vnitâte illicò mutantur: ideoque magis & minùs nunquam suscipiunt. Vbi pariter *immediatius*? immediatum quippe est priuatio mediij, quæ magis & minus similiter non suscipit. Sed syllogismum authoris, veriùs dixerim paralogismum expendamus. *Deus & Natura priùs, immediatius & essentialius ad totum quàm ad partem intendunt: Sed Ecclesia est totum, Pontifex vero pars; ergo priùs Ecclesie quàm Pontifici claues dedit.* Idem pænè est ac si diceret, Cœli mouentur ab intelligentiâ; atqui coruus est niger; ergo sanguis est in arterijs. In quâ enim quæso propositionum, attributum conclusionis iuxta præscriptum Dialecticorù præ-

1)

fuit? Nō miror si ex malâ hâc Dia-
lectica peior Theologia nascatur.
Sed eius axiome eum referiamus.
Deus & Natura priùs, immediatiùs,
& essentialiùs ad totum quàm ad
partem nobilissimam intendunt, sed
regnum Galliæ est totû, Rex verò
pars eaque nobilissima; ergo *priùs,*
immediatiùs, & essentialiùs, potestas
regno quàm regi data est. Item,
Deus & Natura priùs ad totâ diœ-
cesim quàm ad partem nempe
Episcopum intendunt, ergo *priùs*
& *immediatiùs* iurisdictione diœ-
cesi quàm Episcopo data est. Ciui-
tas similiter est totum, Iudex verò
pars; ergo Rex *priùs* ciuitati quàm
Iudici cōfert iurisdictionem. Qua-
rum omnium illationum falsitas
sefe, vt forex suo indicio, manife-
stissimè prodit. Est-ne itaque illud
firmamentum infallibile? est-ne
perenne illud æs Facultatis Pari-

fiensis, quo tanquam præualido
scuto, omnes aduersariæ machinæ
statim retunduntur, & concidunt?
Imo-verò audenter affirmauerim
Doctores Parisienses infirmiore
isto fundamento minimè niti, cū
illud tantum ad exornandas suas
rationes proferre soleant, & quam-
uis illud tanquam verum assume-
rent, immerito tamen & impuden-
ter quod ab vno aut altero doctore
assumitur, toti Facultati imputari.
Sed informe eius argumentum ad
ad formā quæso reducamus. Deus
& Natura prius, immediatiùs, &
essentialiùs ad totum quàm ad par-
tem intendunt, Ecclesia est totum,
Pōtifex vero pars, ergo Deus prius
& immediatiùs ad Ecclesiam in-
tendit. Quis dubitat? Nam Rex
propter regnum, Pastor propter
gregem, & Pontifex propter Ec-
clesiam. Sed falsò postea colligitur,
ergo

ergo prius Ecclesiæ quàm Pontifici data sunt clauēs, neque enim prius Reipublicæ, & gregi, quàm Regi, & Pastori, data est authoritas, etiamsi ad ea prius Deus, & Natura reflexerint. Quamobrē nullę proprię communitati Ecclesię clauēs datę sunt, sed tantum Pontifici & Prælatis: quod primum facili probatur similitudinę oculi & hominis: Solus enim oculus essentialiter, & immediatē videt: Homo vero denominatiuē & mediatē, nempe per oculū: Atqui ex authore D. Petrus aliique Prælati sunt veluti oculus, Ecclesia vero veluti homo, ergo solus Petrus & ali; Prælati Iurisdictionē essentialiter, & immediatē habebunt. Deinde licet partes hominis per se non agerent, sed duntaxat per corpus non tamen propterea sequeretur partes corporis mystici, qualis est Ecclesia per se nō agere, quia sunt supposita per se subsistentia, quę per

se agere videmus. Tales sunt Prælati, & Pontifex: igitur proprie & per se clauēs sunt habituri. Tertio Ecclesia dupliciter consideratur, vel vt diffusa per orbem, vel vt in cōcilio cōgregata: si prius, nullas habet clauēs, siquidē prout est diffusa nullum actum iurisdictionis exercet, non decernit, non leges condit, nec alia præstat, quæ sunt iurisdictionis, sed tantum leges & decretales obseruat & exequitur. Si posterius, quatenus est in Concilio vnita, ea quidem habet clauēs: Concilium enim decernit leges cōdit negotia Ecclesiæ componit, &c. Attamen quia hæc Concilio conueniunt, quatenus ex Prælati coalescit, accommodatiùs semper dicitur, Pontifici, & Prælati, potiùs quàm Ecclesiæ clauēs esse datas: Illudque testimoniis ab authore allatis patet: Mathei 18. *Quæcumque ligaueritis*, Lucæ 10. *Designauit Dominus*, 72. *Et misit*. Ioannis 17. *Sicut me eos misisti in mundum*, &c.

His enim & similibus tantum efficitur Prælatos non Ecclesiæ communitatem habere iurisdictionem: unde consequenter falsa est, hæc expositio, Christum nempe, quoties Apostolos in plurali alloquitur Ecclesiam semper intelligere: Si enim ita sit, unde nam, quæso, constabit Apostolos peculiariter, & seorsim iurisdictionem habuisse, si quidem cum eos Christus est alloquutus Ecclesiæ communitatem, ut ipse vult intelligebat, eique claves conferebat: Atqui certum est Apostolos seorsim iurisdictionem habuisse, cum eam seorsim exercuerint. Igitur Christus non Ecclesiæ communitati, sed Apostolis claves contulit. Deinde Lutheranismum sapit ista expositio: Si enim claves communitati datæ sunt, ergo omnes tanquam Sacerdotes, ut volebat Lutherus ligare, absolvere, & prædicare, poterunt,

cum sint illius communitatis partes: quod à vero abhorret. Tertiò, data hypothesis, quòd Prælati omnes de medio tollerentur posset Ecclesia iuxta hanc expositionem iurisdictionem tunc per se exercere: quia secundum authorem claves haberet: hoc autem est erroneum, quia tunc Ecclesia redacta esset ad solos laicos nullam in Ecclesiâ iurisdictionem habentes: Istud certè Anonymum in errorem induxit, quod putauerit idem esse dari multis, & dari communitati, quæ tamen longe diuersa sunt: In Aristocratico enim regimine in multis optimatibus est authoritas: non tamen in tota communitate: Denique, *toti Ecclesie datæ sunt claves ea de causa*, inquit, *quia datæ sunt propter Ecclesiam sicut Facultas videndi propter hominem*: Ergo cum abiectissimi quique vt Cerdones lanij baiuli Eccle-

siam componant, & propter ipsos
non minùs quàm propter alios da-
tę sint claues, sequitur necessariò,
ipsis contemptissimis alioquin ho-
minibus claues esse à Christo con-
cessas; quod tamen à veritate alie-
nissimum nemò est, qui non facilè
videat. Non ignoro hæc omnia
præter mentem Anonymi auctoris
inferri, sed ex ous quæ posuit fa-
cilè est tales pullos excludere. Di-
cam ingenuè cum miserè detor-
tum illum Scripturę sensum animo
reuoluerem, occurrit quod Ber-
nardus scribit ad Innocētium, Ano-
nymo auctori mirè conueniens.

*In Franciâ habemus nouum de Vete- Epist.
ri Magistro Theologũ, qui ab ineunte 190.
etate, in arte Dialecticâ lusit, & nunc
in Scripturis sanctis insanit, olim dam-
nata & sopita dogmata suscitare co-
natur, insuper & noua addit.*

Quandoquidem tota iurisdictio

Ecclesiastica ei, nempe Ecclesiæ, primario, propriè ac essentialiter conuenit.

Hæresim sapit hæc propositio. Primum enim si verbum illud *propriè*, quatenus improprio opponitur, sumatur; summus Pontifex impropriè tantum iurisdictionem habebit, quod dictu impium est, nedum hæreticum. Si verò ut est proprium quarto modo, quod omni soli & semper conuenit, soli ergo Ecclesiæ nullique præter ipsam alteri iurisdictione cōueniet. quod secundum nemo similiter citra hæresim defendet, & testimonia iam allata luculenter probant. Sed quomodo adhuc subdit auctor *essentialiter*, atque *primario*, cum iam constet iurisdictionē ministris datam? *Protestas enim iurisdictionis, ex Gerdone, & Almaino, est facultas propinqua dicendi ius, & ubi externa*

De potest. Eccles. considerat. 4.
De potestate Eccles. c. 2.

est, in inuitum & renitentem; atqui
Ecclesia seorsim à Prælatiſ ſumpta
nullum ius dicit, nec poteſt dicere:
Sic enim laicos duntaxat comple-
ctitur. niſi fortè cum nouatoribus
quibuſdam, ad laicos tanquam ad
triarios Eccleſiæ ſummam reduca-
mus. Deinde quibus ex officio in-
cumbit regere, hiſ competit iuriſ-
dictio; Ecclesia ſeorsim à Prælatiſ
& præſertim ſummo, non regit, ſed
regitur, (niſi eam fortè Anacharſi-
dis Remplicam faciamus, in quâ ſa-
pientes reguntur à ſtultis) ne ergo
amplius auctor Anonymus toto
ſuo libello blateret, iuriſdictioniſ
clauſes primariò, propriè & eſſen-
tialiter Eccleſiæ datas eſſe; cùm pro-
priè, vt loquuntur, quarto modo
Prælatiſ & præſertim ſummo con-
ueniant. Quamuiſ tamen ad Eccle-
ſiæ ædificationem tanquam ad ſi-
nem, & non ad deſtructionem da-

te sint, ex prioris ad Corinth. 3. *Nemo gloriatur in hominibus, omnia enim vestra sunt* (id est Ecclesiæ) *sive Paulus, sive Apollo, sive Cephassive mundus, sive vita, sive mors, sive presentia, sive futura, omnia enim vestra sunt, vos autem Christi, Christus autem Dei.*

Pag. 2.
N. 2.

Enimvero cum Matth. 16. verbo futuri temporis claves nomine totius Ecclesiæ B. Petro despondisset, Ego tibi dabo claves regni cælorum, tum deum eas actu confert ordini Hierarchico, Matth. 18. ubi Christus sufficientem & Architectonicam Ecclesiam ita constituit, dic Ecclesiæ.

Istud non minùs quàm priora ineptum, falsum, & temerarium. primùm quia Christus remittendo incorrigibilem ad Ecclesiam, non tam potestatem eius instituit, quàm supponit: deinde eò loci per Ecclesiam intelligendus est Pastor:

ita enim Chryſoſtomus, *dic Eccleſiæ*, id eſt Præſulibus, Euthymius Præſidentibus, Ianſenius & reliqui, quorum ampliffima teſtimonia proferrem, niſi ſtuderem promiſſæ breuitati. Rationes itaque tātū adducemus. Prima eſt, cū ordo correptionis fraternæ à Chriſto hīc præſcribatur, ſi Eccleſiæ nomine cœtus fidelium veniat, laicus qui Prælatum non adiit, toti Eccleſiæ fratrem incorrigibilem denuntiare debet, cuius denuntiationem ſi ipſe contemnat, Ethnicus & publicanus habebitur, id eſt excommunicatus; quod certè non ordo ſed ἀταξία, & confuſio, non Catholicum, ſed Illyrici & Brentij dogma eſt. Deinde cum poſtea ſubdat Chriſtus, *ſi Eccleſiam non audierit*, Eccleſia certè non aliter quā per Prælatos auditur: ſoli enim in medio Eccleſiæ os aperiunt & loquun-

L. de E.
piſc. elect.
In proleg.
contra
Pet. Soto.

tur. Tertiò ex consequentibus satis constat, remittendos esse peccatores ad solos Prælatos, cùm soli habeant potestatem ligandi & soluendi, de quâ statim Christus cum Apostolis sermonem instituit. *Amē amen dico vobis quęcumque ligaueritis: ex quo* facile argumentum in authorem retorqueo, Christus nomine Ecclesię Prælatos intellexit, atqui tunc ex ipso sufficientem, & Architectonicam potestatem contulit, ergo Prælati soli eā sunt præditi, non Ecclesia: nec dicat Christum ibi alloqui D. Petrum, eumque ad Ecclesiam pro denuntiando fratre remittere, his verbis. *Respicens Iesus in discipulos suos, dixit Simoni Petro. Si peccauerit in te frater tuus; facilis enim est responsio.* Petrus tunc nec Sacerdos, nec Pastor, nec Pontifex erat, sed tantum subditus & laicus, vnde non mi-

rum si eum ad Prælatum pro fratris delinquentis denuntiatione remiserit. Sed quæso, te author Anonyme, quomodo ex hoc scripturæ loco colligis istam Ecclesiæ Architectonicam potestatem, vel potius, *αὐταρχείαν* esto (quod tamen falsum) potestas excommunicandi ei tunc collata fuerit; An hoc ad perfectam illius constitutionem satis est? Vbi caput, vbi Prælati, Sacerdotes, & cætera officia quæ nõ minùs quàm excommunicandi potestas ad *αὐταρχείαν* illam debent concurrere? Sed video quid velis & quò tendas, Ecclesiam nempe absque capite posse subsistere, & Pontificem Romanum ei esse duntaxat accidentalem: finiam, si contra te Almainum protulero, qui expressè docet nulli supposito datâ fuisse potestatem iurisdictionis nisi quando Ioh. ultimo, post resurrectio-

De potestate Ecclesiastica
cap. 3.

nem suam Christus dixit Petro, *pasce oues meas*, etiam si (inquit) esset antea aliqui Sacerdotes, ut pote ab eo in cœnâ consecrati. ex quo similiter concidit quod ais Ecclesiam habuisse realem missionem, quando Lucæ 10. *Designauit Dominus et alios septuaginta duos et misit eos binos*, nam etsi verum sit habuisse tunc prædicandi potestatem, & Apostolatam præcessisse Sacerdotium, non tamē propterea consequitur, eos per istam missionem omnes actus iurisdictionis habuisse. nondum erant baptizati, nondum Sacerdotes, nō ergo omnem iurisdictionem habuerunt. Itē quotidie concionatores ad prædicandum mittuntur à Prælatis, nec tamen per Diœcesim aliâ iurisdictione fruuntur. Plura hac de re non dicam, sat mihi errores tuos enotasse, hos nosse refutasse est.

*Christus autem omnes Apostolos, Pag. 2.
 atque discipulos, qui Episcopalem, & N. 2.
 Presbyteralem ordinem referebant,
 immediatè, individuè, & collectivè
 misit, sicut & à patre suo, id est, cum
 iustâ, & spiritali auctoritate ad
 Ecclesiam regendam necessariâ, missus
 fuerat.*

Vnum in hoc duntaxat me
 mouet, nempe Christum Aposto-
 los collectivè misisse : cum enim
 per missionē, iurisdictionem sem-
 per author intelligat, si Apostoli
 eam tantum collectivè habuerint,
 eam non nisi collectivè, & coacti
 in vnum exercere vnquam potue-
 runt, quod si dixerit certè hæresim
 dicet, cum de fide sit Pastores seor-
 sim iurisdictionem habere, & exer-
 cere : quod si tantum velit Chri-
 stum eos simul allocutum esse, si-
 mûlque misisse, errat, & cōtradicit
 Ioannis ultimo. *Petre pasce oves*

meas: & Matth. 16. dabo tibi claves regni cælorum: quæ Petro nullique alteri conueniunt: Ambiguitas loquendi fucum certè lectoribus facit, vel certè conscientia quæ mille testes, eum redarguit. Lapsus tamē hic memoriâ videtur author. Christus (inquit) cū Apostolis in plurali loquitur, de Ecclesiâ semper est intelligendus, cū ergo dixit illis, Sicut me misit viuens pater, ita & ego mitto vos, Ecclesiam misit, sed ad quos? certè non ad alios quàm ad Ecclesiam ipsam, idem ergo misit ad seipsum, Ecclesiam ad Ecclesiam. quod ineptum, ridiculum, & temerarium est.

Pag. 2.
N. 2.

Quibus verbis liquidò demonstratur Christum non tam uni & soli Petro, quàm unitati infallibilem clauium potestatem detulisse: ut D. Cyprianus & August. confirmant.

*Proh superi! quantum mortalia pectora cæcæ
Noctis habent!*

Tot errorum ac ignorantia maculis fœdatus est hic locus, tot falsimonijs scatet & imposturis, ut mirum sit, imò miserum eò Theologum hominem deuenisse: Et certè vix scio vnde tot sordes incipiam elucere. Nam in citandis Canonibus falsitas est, in modo loquendi turpis ἀκυρολογία, in argumenti explicatione, & consequentiæ vi mera ignorantia, in propositione Anglicanum dogma, in sensu Canonum mira deprauatio, deniq; aperta auctoris contradictio.

Et falsitas quidem in citandis Canonibus huiusmodi est, quòd nulla in Canonibus allatis de infallibili clauium potestate fiat mētio, sed potius de excommunicatione & reconciliatione, quæ cùm ad facti quæstionem spectent non po-

potest in ijs aliquando error non contingere: non enim dubitamus multos in terris anathematis vinculo ligari, qui tamen coram Deo liberi sunt, & absoluti. Modus verò loquendi omninò ineptus est & improprius. Quid enim sibi vult per infallibilem clauium potestatem? Duæ à Theologis clauēs assignantur; vna Scientiæ, quæ ad fidei determinationem, & Canonū institutionem: altera Iurisdictionis, quæ ad pœnas infligendas refertur. Sed primò improprium est clauem hanc iurisdictionis infallibile dicere, falsitas enim in solum intellectū cadit nō in voluntatem, in quâ tamen eiusmodi clauis tantum reponitur. Quod si de clauē scientiæ loquatur, velim sciat me non istam infallibilitatem in Concilio generali (hoc enim est quod ipse præcipuè intendit) Petro seu Pontifice

Pontifice destituto reponere. In hoc enim primò nulla est vnitas. Quam enim vnionem membra habent si non adhærent capiti? Deinde cùm ex Doctõribus, propterea infallibilitas sit in Concilio, quia Concilium vniuersalem per Prælatos repræsentat Ecclesiam, certè si Pontifex absit, eam non repræsentabit; erit enim corpus mutilum & imperfectũ, potissimâ sui parte destitutum. Ex quo fit, vt tunc ea congregatio, etsi esset omnium totius orbis Episcoporum, non Conciliũ, sed conciliabulum & latrocinium Ephesinum dici deberet. Quamobrem perperam, imò falsò auctor asseruit, non tam vni & soli Petro, quàm vnitati claues esse datas. Ignorantia etiam consequentiæ manifesta est, sic enim infert. *Christus misit in mundum Apostolos, & rogauit Patrem vt essent vnum, sicut ipse & Pa-*

In 4. dist.
24.

ter unum sunt, ergo, inquit, claves unitati potius quàm uni concessit. Ludit certè de scripturis, quis enim hanc consequentiam non rideat & exhibilet? Rogat quidem Christus, ut summa sit inter Apostolos pro diffeminando Euangelio animorum consensio, & sint sanctificati in veritate, sed non propterea claves unitati confert. Vbi enim verbum de potestate & clauibus? Ait quidem Christus se eos misisse in mundum, sed alia est potestas prædicandi, & alia ius dicendi; hæc enim duo ut iam ostendimus, longè diuersa sunt. Nisi fortè auctor cum Caluino omnia ad prædicationem referre velit. Sed & propositio dogma refert Anglicanum. Si enim magis unitati Ecclesiæ, quàm Petro & Prælati singulis collatæ sunt claves, cum Ecclesia seorsim à Prælati sumpta plebeios, idiotas, & abie-

ctissimos quosque contineat, in ijs
 certè clauēs residere erit necesse,
 quod impium atq; hæreticū. Ca-
 nonum autem sensus omninò est
 deprauatus : Cyprianus enim Ca-
 none *loquitur* tantum docet Chri- 24. q. 1.
 stum post resurrectionē suam om-
 nibus Apostolis clauēs contulisse,
 Petrum tamen alijs eo sine prætu-
 lisse, vt ab vno hoc stipite Ecclesia
 vnitatem sortiretur, & in quolibet
 illius successore, qui vnicus semper
 existit, hanc vbique & perpetuò
 seruaret. Vult ergo Cyprianus cla-
 ues vnitati datas, id est, in finē vni-
 tatis: itaut Ecclesia non sit id quod
 clauēs habet, sed ad quod potestas,
 & vsus clauium tanquam in pro-
 prium finem refertur. Canon *alie-* 24. q. 1.
nus tantum de vnitate deprecant-
 tium, non iurisdictionis loquitur.
 vult siquidem duobus conuenien-
 tibus inter se ad orandum Deum

24. q. 1.

benignè, & cum fauore illis adesse,
iuxta promissionem Matth. 18. *si
duo consenserint inter se de omni re
quacumque petierint, fiet illis a Pa-
tre meo.* Augustinus vero Canone
quodcumque tantùm intelligit datas
clauēs Ecclesiæ, vel quia sunt pro-
pter Ecclesiam, vt iam diximus, vel,
quod textui magis quadrat, solùm
intrà Ecclesiam, non extrà, clauēs
reperiri. Infidelis enim hæreticus,
& quicumque sunt extra Ecclesiam,
nullam in fideles spiritalem habent
iurisdictionem. Denique authoris
contradictio apertissima est; hîc
enim infallibilem clauium pote-
statem vni Petro tribuit, licet non
ita, ac Ecclesiæ; alibi verò, vt infra
constabit, eam infallibilitatem ei
omnino denegat. Vni igitur Petro
& simul vnitati Ecclesiæ cùm cla-
ues esse datas affirmat noster Ano-
nymus, duo suprema tribunalia

duasque summas cathedras neces-
sariò adstruit, quod non solùm fa-
ctu impossibile, sed etiam omnem
Ecclesiæ statum labefactat & de-
struit.

Quam doctrinam Beatus Bernar-
dus lib. 3. de considerat. ad Eugenium
mirum in modum illustrat.

Pag. 3.
N. 2.

Ecquis Catholicorum negat, aut
negavit vnquam alias potestates à
Papali à Christo esse institutas? ve-
rissimũ est profectò potestatem eam
quæ omni humanâ superior exi-
stit, non posse ab vllâ hominum
societate creari, aut quomodolibet
institui. Talis est potestas Prælato-
rum Papâ inferiorum, atque sacer-
dotum, conficiunt enim corpus, &
sanguinem Christi, ligant, & sol-
uunt tã in cœlo, quàm in terrâ, pri-
uant suffragijs Ecclesiæ, pœnas pur-
gatorij saltem Prælati per indul-
gentias relaxant. ab alio ergo quàm

à Christo eorum potestas institui
non potuit. Sed hanc D. Bernardi
sententiam quæso, in aduersarium
retorqueamus; Potestas summa Pa-
palis ab alio quàm à Christo non
potuit institui, cur ergo ab Eccle-
siâ & per Ecclesiam eam esse toties
repetit, non minùs quàm facultas
videndi per hominem? conditio-
nem scilicet Papæ inferiorem facit
conditione Prælatorum & sacerdo-
tum, adeo vt ex illius principijs ne-
que ad cœlum neque ad purgato-
rium posset se extendere: cùm Ec-
clesia sine Christo talem potesta-
tem conferre non possit. Iam-vero
pro Pontifice loquentem Bernar-
dum audiamus. *Age, inquit ad Eu-
genium Papam, indagemus diligen-
tius quis sis. Sacerdos magnus, Sum-
mus Pontifex, tu Princeps Episcopo-
rum, tu hæres Apostolorum, tu Pri-
matu Abel, Gubernatu Noë, Patriar-*

Lib. 2. de
confide-
rat. cap. 8.

*chatu Abraham, ordine Melchisedech, dignitate Aaron, auctoritate Moyses, iudicatu Samuel, potestate Petrus, unctione Christus, & paulo-
post. Habent alij Pastores suos, tibi crediti sunt uniuersi, vni vnus, nec modò ouium, sed et Pastorum, tu vnus omnium Pastor. Quæres, unde nam id probemus? pasce oues meas, quas? illius vel illius ciuitatis, regionis, aut regni? oues meas, inquit, cui non planum non designasse aliquas, sed designasse omnes. hætenus Bernardus.*

Adde quod summa totius externæ iurisdictionis Ecclesiæ, in Facultate excommunicandi conquiescit.

Pag. 4.
n. 2.

Id est non vlteriùs progreditur, nec ad pœnas corporeas sese extendit: id verò mendacium est purum putum, Prælati iniuriosum, & cõ-
sueti & communi Ecclesiæ vsui repugnans; ideòque, vt ait D. August. insolentissimæ insanix. Epis-

Ep. ad
Ianua-
rium.

copi enim eorúmque, vt loquuntur, Officiales in carcerem agunt reos, monasterijs includunt, ieiunia indicunt, & cùm publicum aut nominatim excommunicatum absolunt, eum pro foribus templi, in signum pœnæ corporalis quam iustè possent infligere, virgà cædút. Vnde etiam si Ecclesia, vt Christus, nolit mortem peccatoris, sed vt magis conuertatur & viuat; eiusque pœnæ potiùs beneficia quàm supplicia sint, omnes tamen fermè pœnas infert, præter mortem, mutilationem, & violentam sanguinis effusionem. A pecuniariâ ordiamur 21. q. 3 *Quisquis inuentus fuerit reus sacrilegij, Episcopis vel Abbatibus ad quos querimonia peruenerit, 30. libras argenti purissimi componat. De carcere & ergastulo Concilium Tolera. 2. Qui mortis aut mutilationis Sententiam ipsi ferunt aut præci-*

*piunt ferri, ordinis honore priuentur,
& loco, & sub perpetuo teneri dam-
nationis ergastulo relegati iubentur.
Itemque Concil. Toleta. 9. Sacer-
dotes magicis præstigijs operam
dantes, proprij honoris gradu de-
poni præcipiuntur, & exilij perpe-
tui ergastulo relegari. De infamiâ
extat Decretum Calixti his verbis.
Nos vero sequentes patres nostros eos
notamus, & infames esse censemus.
De exilio. Concilium Braccharen-
se, Prælati qui subditos suos li-
uore vindictæ crediderit verbe-
randos, iuxta modum verberum
quæ intulerit, excommunicationis
& exilij sententiam sustinere iube-
tur; De verberibus Adrianus Papa
5. q. 1. Qui in alterius famam publi-
cè scripturam, aut contumeliosa ver-
ba confinxerit, & repertus scripturam
non probarit, flagelletur. Possem
complures alios Canones alijs ex*

locis colligere, multaque locupletissima proferre testimonia, sed satis esse duco digitum in fontes primarios intendisse; unde disciplinæ utiq; cōpos noster Anonymus intelligat se grauitè fuisse alucinatum, cū putauit summā totius externę iurisdictionis Ecclesię in facultate excommunicandi conquiescere.

Pag. 4.
n. 2.

Praxi Ecclesię primitiue & sacris canonibus exploratissimum esse collationes beneficiorum 1400. annis communi iure id est sacris electionibus factas & paulo post ut lex diuina & naturalis confirmant.

Contendit electiones prælatorum ita esse de lege diuina & naturali, ut contra eas neque priuilegia locorum, neque spatia temporum, neque conditiones personarum præscribere vnquā potuerint. quo fit ut ex eius sententiā vigeant adhuc eiusmodi leges. Sed errat grauissimè, mag-

43

namque Pontifici, Regi, totique
 Galliã clero infert iniuriam. Alte-
 rum enim è duobus sequatur ne-
 cesse est. Aut nullos iam in Galliâ
 esse Episcopos, nullamque am- In con-
cord. An.
1514.
 plius legitimam Prælatorum voca-
 tionem. quod dicere stultum est ac
 seditiosum. Cùm ante 90. & am-
 pliùs annos, nullus eorum per ele-
 ctionem ad apicem Episcopatus
 euectus fuerit: aut saltem, quod
 Author nullâ arte potest effugere,
 summum Pontificem, Regem &
 omnes Galliã Prælatos, mortali-
 ter peccâsse & quotidie peccare.
 Sed pressiùs agamus, & electiones
 non esse de iure diuino & naturali
 breuiter & expeditè doceamus.
 Ius naturale à Theologis definitur
 quod nullâ adhibitâ finis aut cir- D. Tho.
2.2. q. 24.
2.2. Sotus
de Iust. &
iure. q. 2.
 cunstantiarum consideratione sta-
 tim unicuique occurrit, vt Deum
 esse colendum, Parentibus ob-
 temperandum, nemini inferen-

rendam iniuriam. At sanè nūquam
auctor si frontem habet, affirmâ-
rit, Prælatorum electiones sicut &
illa præcepta vnicuique statim in
mentem venire. Respondebit for-
te electiones illas rectę rationi ad
modum consentire. populi enim
impensiùs solent eos quos elege-
rint diligere, iisq̃ue liberiùs obtem-
perare, sed vt-vt res habeat de ele-
ctionum vtilitate de quâ nunc age-
re non vacat, hoc non arguit eas ef-
se de lege naturæ; quandoquidem
leges Canonica, Ciuiles, & quæ-
cunque prudenter & maturo con-
silio ab hominibus fiunt, de lege
naturæ dicerentur: cùm rectæ ra-
tioni consentiant, quod certè ne-
mo dixerit. Sed neque etiam de le-
ge diuinâ. Hæc quippe Euangelio
& traditione continetur, at nullibi
in nouo testamento præceptum eli-
gendi Prælatos legitur. Nam quod

Act. 1. habeatur electio Mathiæ. 6.
 septem Diaconorum. & 13. segregatio Pauli & Barnabæ ad Apostolatū gentium. & 1. ad Timoth. 4.
Nolinegligere gratiam quæ tibi data est per impositionem manuum Presbyterij. primū quis non videt in his omnibus nullum extare præceptum? sunt enim exempla & facta quæ vim legis nequaquam obtinent. Deinde quod spectat ad Mathiam, etiā si ab Apostolis cum Ioseph statutus in medio fuerit (quod electionem videtur arguere) non tamen ab alio quàm à Spiritu sancto forte immisā in locum Iudæ proditoris suffectus est. Pro 7. Diaconis, non fuerunt illi Episcopi, nec Sacerdotes, sed tantū custodes bonorū à fidelibus oblatorum, quos propterea æquius fuit cōmuni fidelium suffragio, quàm auctoritate Apostolicâ creari. Se-

40

gregatio Pauli & Barnabę electio-
nibus non fauet, quippe cum Spi-
ritus sancti iussu, non Christiano-
rum suffragio, ad Apostolatū gen-
tium euecti sint. Quod ad imposi-
tionem manuum presbyterij, am-
biguitas est in nomine presbyterij,
an conuentum seniorum, an verò
sacerdotij dignitatē significet. Sed
quicquid sit hoc exemplo non ma-
gis quàm alijs eligendi præceptum
stabilitur. Quantum ad Traditio-
nem diuinam nulla similiter extat.
Etsi enim mos eligendi Episcopos,
ab Apostolorum tempore repeta-
tur; non tamen propterea traditio
illa præceptum diuinū arguit: quę-
dam enim sunt traditionis Aposto-
licę, quę nihilominus vim diuini
præcepti non habent, vt Quadra-
gesima quę traditionis est Aposto-
licę, nec tamen iuris est diuini, sed
tantum Ecclesiastici, vt etiam alij

47

quidam Ecclesiæ ritus. Sic neque electiones alterius iuris sunt quàm Ecclesiastici, licet mos eligēdi manarit ab Apostolis. Forte dicet D. Cyprianum electiones de iure diuino adstruere. Notanda quippe sunt eius verba Epist. 68. *de diuinâ auctoritate descendunt, & sunt secundum diuina magisteria.* Sed respondeo Cyprianum tantum voluisse electiones sine fraude & ambitione factas, habere diuinam auctoritatem, quia eis iuxta promissionem Christi Matth. 18. adest Spiritus sanctus. Vnde per diuina illa magisteria, tantum intelligit exempla & facta cum Christi, tum Apostolorum, quæ etsi præcepta non sint, ad praxim tamen quantum fieri potest vtile est reuocare. electiones ergo, quidquid dicat aduersarius, solius sunt iuris Ecclesiastici, quo cum non teneatur Pa-

C. 3. de
Aucto-
Eccl.

Depo-
rest. Eccl.
e. 4.

Pag. 4.
n. 3.

pa cū supra illud sit, legitimè an-
tiquam eligendi formam ad colla-
tionem & nominationem, quę
nunc viget in Galliā reduxit. Hu-
ius rei testis est Alliacensis Doctor
Parisiensis, qui sex Ecclesię pote-
testates docet initio communes
fuisse omnibus Apostolis, *tamen*
quia ex hoc, inquit, confusio sequi po-
terat Christus hoc prauidentis contulit
Petro & successoribus auctoritatem
disponendi ministros Ecclesię, & de-
terminandi iurisdictionem, dicens pasce
oues meas Ioannis ult. Idem docet
Almainus ideo vni Petro & succes-
soribus eius data est potestas consti-
tuendi Canones, conferendi beneficia,
dignitates Ecclesiasticas per vniuer-
sum orbem & nulli alteri.

Omnis principatus quoad vim
coactiuā ab hominū consensu pendet.

Scelerum nostrorum vindex Deus
seuerioris iustitię gladium proferit
ac dstringit,

ac dīstringit cūm peccatum peccato, & errorem errore plectit : hoc in authore liquet. vbi enim in Episcoporum creatione cæcutijt iam cūm Luthero desipit, sibi que apertissimè contradicit. *Omnis* (inquit) *principatus ab hominum consensu pendet* : quæ propositio Lutheri est epistolâ ad Silrignium, *amplius dico neque Papam, neque Episcopos, neque ullum hominem habere ius constituendi vel unicam syllabam super hominem Christianum, sine eius consensu, quod aliter fit venit à spiritu tyrannico*. Sed vlteriùs adhuc progreditur Anonymus, si enim omnis principatus à subditorum consensu pendet, quoad vim coactiuam Rex Gallix suum precariò à subditis tenebit imperium, nec suis legibus quantumuis iustis poterit citrà ipsorum consensum eos adstringere, cūm tamen *omnis anima potesta-*

Luther
Ep. ad
Silti.

De potest
Eccl. cap.
3.

*tibus sublimioribus subdita sit, siue
Regi quasi præcellenti, siue ducibus,
tanquam ab eo missis: Qui po-
testati resistit, Dei ordinationi resi-
stit. Ex Almaino sententiam hanc
suffragatus, truncatis pedibus no-
bis eam exhibuit nemo potest (in-
quit Almainus) obligari nisi aut
ex consensu proprio aut voluntate su-
periorum. non ergo à solo subdito-
rum consensu pendet vis coactiua
Principis, aliàs authoritas eius vana
& otiosa esset, quo fit vt etiamsi iux-
ta receptam Galliæ consuetudinem
edicta verificari soleant, ab istâ ta-
men declaratione suam vim nullo
modo mutuantur, cum ipsa sit tan-
tùm conditio necessaria, vt de Prin-
cipis voluntate & intentione con-
stet. eodem prorsus modo quo li-
bri Canonici per Ecclesiam inno-
tescunt, cùm tamen Scriptura à Spi-
ritu sancto, non ab Ecclesiâ autho-*

ritatem suam habeat. Nec urgeat il- Dist. 4.
can. in
istis.
lud Augustini *leges instituuntur, cum*
promulgantur, si mantur cum moribus
utentium approbantur. Et si enim le-
ges non receptæ iuxta Theologos
nullam obligationē inducant, pec-
cant tamen (inquiunt) graviter sub-
diti, quando absque causâ eas no-
lunt recipere. quinimo tunc po-
test Princeps pro suæ plenitudine
potestatis ad recipiendum eos adi-
gere. Ceterum hic observanda cō-
tradictio manifesta: quandoqui-
dem coactio & consensus ita op-
ponuntur, ut nequidem per abso-
lutam Dei potentiam convenire,
simulq; stare possint, coactio enim
est in inuitum & renitentē, consen-
sus à liberrimâ voluntate manat.

Ecclesia est politia monarchica ad Pag. 5.
n. 3.
finem spiritualem instituta, regimine
Aristocratico quod omnium optimum &
natura convenientissimum est, temperata

à summo animarum pastore Domino nostro qui Rex est, Monarcha & Dominus absolutus.

Vbique scopuli, vbique syrtes, vbique charybdes & scyllæ; & quò altius prouehor eò furit exæstuatque magis errorum hic oceanus. scilicet falsissima est Ecclesiæ data definitio, ne dicam hæretica. politia enim, vt communiter vsurpatur, actum & accidens significat, non naturam & essentiam Ecclesiæ, quæ ab omnibus (nullum enim credo suæ definitionis patronum habet Anonymus) definitur *congregatio fidelium sub vno summo pastore Christi vicario militantium, & iisdem sacramentis participantium.* Sed hanc definitionem de industriâ auctoritacuit, quòd suum cōtra pontificem intentum omnino destrueret, illum nempe accidentalem non essentialem Ecclesiæ esse. Cæterum quando statuit Eccle-

fiam politicam monarchicam, vel
 vult Christum illius esse monar-
 cham, vel pontificem, vel vtrum-
 que: si Christum ut ex verbis eius
 clarissimè patet, non minùs iniu-
 riosè quam hereticè ait monarchiã
 illam regimine Aristocratico tem-
 perari, quippè cum Christus in so-
 lidum citrà ullius consortium Ec-
 clesiam, sponsam suam dilectissi-
 mam regat; si Pontificem, aut vtrũ-
 que simul, sed subordinatè; ergo
 Pontifex essentiam Ecclesiæ ingre-
 dietur, & sic non erit illius acciden-
 tale caput. Quod autem statuatur re-
 gimen Aristocraticum esse omniũ
 optimum & naturæ convenientis-
 simum, monarcho-machum om-
 nino se prodit, Regũque statibus
 non mediocriter infensum: qui
 tamen quoties edicunt, satis super-
 que ostendunt auctoritatem suam
 ab optimatibus minimè pendere.

Nec tergiuerfetur, fe de monar-
chiâ regimine Aristocratico tem-
peratâ agere. Si quidem absolutè
loquitur, & loquela eius contra-
rium manifestum facit. Particulam
enim (*quod*) non ad politiam
monarchicam, sed ad regimen Ari-
stocraticû referre necesse est, ni in
libello authoris cum a syllogistiâ &
bonorum syllogismorum penuriâ
copiam habeamus solœcismorum.

Pag. 5.
N. 3.

*Lege Euangelicâ stante, Christus
diuortium cum Ecclesiâ Sponsâ facere
non potest, quod de symbolico, et) mi-
nisteriali capite Romano Pontifice as-
seri non debet, quem saltem ad tempus
adesse & abesse videmus absque Ec-
clesiæ interitu.*

Schismaticum, portentosum, &
& anteaetis sæculis inauditû dog-
ma, authori cum Philippo Mor-
næo cômune: Ecclesiam posse abs-
que Pontifice subsistere, quod in-
fra multo declarat apertiùs. *Ecclesia*

(inquit) *sumpta pro cœtu fideiũ vnico
& solo capite ac fundamēto essentiali
(Christo Domino contenta est, & cū il-
lud sibi obijcit, petrus est petra, fun-
damētũ, & caput Ecclesiæ, ergo Ec-
clesia nequit subsistere sine Papâ.
Quasi verò, respōdet, essentialē & pri-
mariũ non secundarium & ministeria-
le esset. Vbi ministeriali opponit es-
sentialē sicut primario secundariũ.
enimvero quamuis agnoscat om-
nes, Ecclesiam absque pontificibus
in indiuiduo subsistere (quod illius
rationes duntaxat arguunt) vt Six-
to, Clemente, Leone, Paulo quin-
to, qui nunc fæliciter sedet, & vtinã
diu: nō tamē propterea generaliter
& indefinitè verũ est, Ecclesiã posse
sine Pōtifice subsistere. Aliter enim
regnum Galliæ, Diœcesis Parisien-
sis, & in summã vniuersalis Ecclesia
absque rege, pastore & ministris
stare possent, cum absque particula-*

In epist.
nuncup.
ad Regem
Galliæ &
Nauarræ.

ribus subsistant : ideóque docent Philosophi numquã à singulis generũ ad genus singulorũ valere argumentũ, nisi omnes singuli absq; ullius exceptione sumantur. quod tamen author in negotio Ecclesiæ nunquam probabit. Semper enim aliquo Pontifice ad sui gubernationem indiget; saltem diu citra evidens periculũ eo carere non potest. Docent Theologi matrimoniũ & Sacerdotiũ mũdo & Ecclesiæ absolutè esse necessaria : licet enim necesse non sit hos aut illos in specie coniugatos aut Sacerdotes esse, semper tamen ad illorum conservationem aliquos esse oportet. Pari ratione Pontifex Ecclesiæ absolutè est necessarius, quia semper aliquo indefinitè sumpto ad sui moderationem indiget, quod citra schisma imo hæresim negari non potest. Sed duo leuiter prætereun-

In 4. dist.
24. & 29.

da non sunt: prius est, quod Pontificem symbolicum caput vocet, quod idem est ac figuratum & similitudinarium. quod si verum est, non magis Pontifex Ecclesiæ caput erit, quam pictus homo, verus homo. Posterius quod eundem Pontificem appellet ministeriale seu accidentale (pro eodem enim illa duo, ut apparet, sumit) quod certè non tam erroneum est quàm schismaticum & hæreticum, cum enim de fide sit Ecclesiam esse visibilẽ, partes eius & præsertim caput debent esse visibiles, alioqui monstrum erit, & monarchia contra institutionem Christi visibiliter acephala, quo fit ut stante Evangelij lege per extraordinariam potentiam, Ecclesia visibili capite carere non possit. Nec vrgeat sedem pontificiam aliquando vacare, & tamen Ecclesiam non desinere. quia tempus va-

30
cationis breue est, & ideo moraliter loquendo nullum : & Ecclesia tunc est in viâ & statu, ad sibi de capite prouidendum, maximè cùm tempore vacationis, in statu imperfecto Ecclesia versetur. quandoquidem sede vacante, vt iure cauetur, nihil innouari debet, nec decreta in fide & moribus fieri, Episcoporum collationes non expediri, nec alia plura similiter perfici. Quamobrem tunc præceptum habendi Pontificem electores obligat, ita vt quãdiu sedes vacat, affirmatiuum eligendi præceptum, cum negatione quadam cõiungatur : ne scilicet & corpus sit sine capite, & Ecclesia sine pastore. sicuti docent Theologi præceptum restituendi, quod affirmatiuum est, in negatiuo illo præcepto, *non furaberis*, fundamentum habere. quo fit vt opportuno quoque tempore

39

teneantur, caput siue Pontificem eligere Cardinales. Ex quo aperte consequitur Ecclesiam non posse absque capite subsistere.

Nam & compertum est sedem Apostolicam aliquando tres, aliquando 7. annos vacasse.

Pag. 5.
N. 3.

O impudens mendacium. Fabiano mortuo vacauit sedes per annum, vt ex D. Cypriano colligitur. Marcellino obtruncato vacauit sedes viginti quinque dies. veruntamen quia libro de pontificibus Romanis, sub e mentito nomine Damasi inuenitur, sedem septem mensibus, Marcellino mortuo vacasse; quidam menses pro annis ceperunt, & septem annos vacationis effinxerunt. Sed hoc est apertum mendacium. primum quia tunc nequidem septem menses vacauit, sed tantum viginti quinque dies. Deinde cum in pontificali di-

Epist. 16.

In tabul.
Chron.

catur Marcellum Marcellini successorum sedisse Constatio & Galeno consulibus, si sedes septem annos vacauisset, certe Marcellinus vtrisque extinctis sedere debuisset; cum illi consules quadrienio post Marcellini martyrium obierint. Tertiò etsi Genebrardus septem vacationis annos recenseat, istud tamen pro certo non affirmat dicit enim, *fertur* quòd ergo vt dubiũ reliquit doctissimus Genebrardus, Anonymus noster cum Magdeburgensibus in eundem certè finem ac illi, certò affirmavit. Anno 1241. Celestino mortuo vacauit sedes annum & octo vcl nouem menses. Anno 1268. post obitum Clementis quarti duos annos & nouem menses. Anno 1303. mortuo Benedicto decimo annum aut circiter. Anno 1314. post obitum Clementis quinti, duos annos & ali-

quot menses. Longior vacatio nūquam visa est in Ecclesiâ, nisi fortè, contra rationem, author tempora scismatum pro vacatione ponat. sed tunc ad annos multò plures eam deberet extendere, cum quædam octoginta annos durauerint.

Enimvero canone aut consilio Ecclesiam sponsam gubernari voluit Dominus, quo Romani Pontifices ab/que alijs Episcopis nihil quicquam magni momenti de proprio motu, aut oligarchici consilij suasionem decernerent.

Pag. 7.
n. 5.

Oligarchia est paucorum factio Aristocratix, optimatum nempe regimini, opposita. Sed cui vnquã catholicorum venit in mentem cōgregationem aliorum quàm Episcoporum autoritate capitis roboratam, esse oligarchiam seu factionem? numquam est factio, quando adest suprema autoritas, sumus in corpore, quandiu & vbi capiti iungimur.

Verum cùm Aristocraticum Ecclesiæ regimen penes solos Episcopos & Paræcos statuat, Cardinalium venerabilem purpuram, & statum nefario cōtemptu fœdat ac proterit, eorumq; cœtum tãquam Oligarchicum omnino damnat: quasi grauiora negotia resque maioris momenti, ab alijs quàm ab Episcopis aut Paræcis vel geri vel terminari nunquam debeant. Obiter tamen Anonymum admonuerim ex Alliacensi, Cardinales esse de ordine hierarchico Ecclesiæ, statumque Apostolorum considerari, primò vt Christo domino ante eius Ascensionem astant. Secundò vt Petro tanquam primo pastori ante dispersionem suam aderant. Tertiò vt ex præcepto Christi postea à Petro separati in omnem terram ad disseminandum Euangelium exierunt. In 2. & 3. statu præ-

De aucto.
Eccl.
cap. 3.

erat eis Petrus, & quantum ad primum & secundum statum, Cardinales Apostolos repræsentant, in hoc nempe quòd Papæ, qui est Christi vicarius, & Petri successor adsunt; non tamen quantum ad tertium statum. In hoc enim soli Episcopi succedunt Apostolis; illudque, inquit, manifestè patet ex epistola ad Ephesios. vbi Paulus omnes Ecclesiæ status delineauit. statum enim Apostolicum à pastorali, cui cura incumbit animarum, aperte distinxit. *ipse dedit quosdam Apostolos, quosdam autem prophetas, alios vero Euangelistas, alios pastores et doctores ad consummationem sanctorum in opus ministerij ad edificationem corporis Christi quod est Ecclesia*, sicque tres distincti status inuicem subordinati, Corinthi Apostolorum tempore aderat, Apollo tanquam Episcopus. Pau-

Ad ephes.
4.

Glossa in
cap. 3. 1.
ad Cor.

Ius tanquam Apostolus. Et Petrus
tanquam utroque superior; unde
dixit *omnia vestra sunt, siue Paulus*
siue Apollo, siue Cephas, malè ergo
sentit Anonymus Concilium na-
tium Ecclesiæ duntaxat penes
Episcopos residere, & Oligarchiâ
esse, cum alij præter illos ad res
grauissimas decernendas conue-
niunt: ad statum enim Cardina-
lium (licet non sint Episcopi) per-
tinet vnâ cum Papâ regimen & or-
dinatio totius Ecclesiæ: Nec ta-
men ita pontifex Cardinalium
Concilio alligatur, ut alios, si
æquum iudicer, aduocare non pos-
sit: tum ad leges sanciendas, tum
ad dirimendas controuersias, ad
Episcopatus conferendos, & alia
huiusmodi munia præstanda; satis
enim est si doctos & prudentes vi-
ros, rerumque tractandarum peri-
tos adhibeat.

Etenim

Etenim Presbyteri quondam Ec- Pag. 8.
N. 5.
clesiam in commune regebant, ut D.
Hieronymus auctor est Canone legi-
mus, dist. 93.

Æquat hic Presbyteros anima-
rum curā habentes Episcopis, *sunt,*
inquit, nativum Ecclesiæ Concilium
institutum à Domino; & cum ijs in
commune Ecclesiam regunt. In quo Hæresi.
25. & 53.
ex Epiphanio, lapsus est olim Aëri⁹
ab Ecclesiā condēnatus. Pro cano- In 4. dist.
24.
ne Hieronymi, si solutionē schola-
sticorum abnuat Anonymus, fateri
eum oportet Episcopos solā ordi-
natione, non iurisdictionis pote-
state, Sacerdotes præcedere: quod
absque Aërianæ hæreseos notâ tue-
ri non potest: ideóque tantum hoc
Canone Hieronymus voluit initio
nascentis Ecclesiæ propter mini-
strorum paucitatem, omnes Pres-
byteros simul fuisse Episcopos, nō
quòd eadem esset vtriusque Sa-

cerdotis nempe & Episcopi potestas, sed quòd ipsa singulis Sacerdotibus tunc daretur: quo sensu verum est Episcopos & Presbyteros in commune Ecclesiam initio rexisse, nullus enim tunc erat qui cum Sacerdotio Episcopatu non fungeretur. Alij respondent Hieronymum solùm velle in quibusdam Ecclesijs, Sacerdotes in communi potestatem regendi Episcopalem tanquam delegatam habuisse, & hoc sensu tunc in actu ipso regendi fuisse æquales; postea tamen occasione scismatum decretum esse, vt Episcopus Pastor ordinariùs solus hanc iurisdictionem haberet, nec amplius alijs communicaret. Sed quicquid sit de Hieronymo, quem paulò durius loquutum esse docent omnes; error est nunquam ferendus, in iurisdictionis potestate curatos Episcopis æquare: hi

enim soli Hierarchæ sunt & Apostolis succedunt; illi verò tantum Discipulis 72. Hi soli in Conciliis generalibus, & Oecumenicis suffragio definitiuo gaudet, ut ex omnibus satis constat, solumque Basiliense excipitur, à quo cum maior Episcoporum pars post Eugenij quarti depositionem secessisset, pauci qui remanserant Episcopi, Presbyteros contra Ecclesiam morem ad ferendum suffragium secum asciuerunt. Sed hoc Concilium pro beneficiorum pragmaticis tantum recipitur: nec unquam Pontificis calculo, qui ad Conciliorum firmitatem & valorem est necessarius, fuit confirmatum. Diligenter tamen est obseruandum varios pro varietate rerum in Concilium interdum adhiberi, ut si sermo sit de Ecclesiarum constructione aut restauratione, adhibentur latomi & cæmentarij, si de re-

Acta ipsius
Concilij.

Getson de
Potestate
Ecclesiastica.

liquiarú thecis, aut calicibus fabri
ærarij vel aurífices, si de compo-
nendis litibus caufidici, si de rebus
fidei Doctores, ad examinandum;
sed ad ferendam deffinitiuam sen-
tentiam, soli Episcopi: sunt enim
Iudices, & soli suas referunt Eccle-
sias: Parœci verò in foro externo
quatenus Parœci, nullâ externâ iu-
risdictione fruuntur, & hoc qui-
dem adeò conspicuum est, & cla-
rum vt nullâ egeat probatione.

Pag. 8.
n. 6.

*Infallibilem potestatem decernendi
aut condendi Canones esse penes to-
tam Ecclesiam aut generale Cōcilium
illam representans, & paulò post,
quandoquidem oculi quàm unus
oculus longiùs atque acriùs prospiciūt.*

Et si Academia Parisiensis infalli-
bilitatem in decernēdo ad Conci-
lium generale solùm referat, ab eo
tamen nunquā abesse debet Pon-
tifex: si enim absit infallibile non

erit : Concilium enim Ariminen-
 se in quo sexcenti cōsidebant Epif-
 copi, absente Liberio summo Pon-
 tifice errauit, & ὁμολούσιον dānans ap- Theo-
dor.li 2.
cap. 13.
 probauit ὁμοιόουσιον. Mediolanen-
 se ad quod conuenerant Episcopi
 plus-quàm trecenti, hæresim Arrij
 confirmauit; & Catholicos Præla-
 tos qui definitioni noluerunt sub-
 scribere, in exilium relegauit: Sed
 quot & quanta à Donatistis Con-
 cilia in Africâ, cum ingenti Episco-
 porum numero celebrata sunt, quæ
 cū legitimo Pastore & capite de-
 stituerentur, turpiter aberrârunt, &
 Anabaptismum confirmârunt? Pu-
 tat Anonymus, vt ex alijs eius libel-
 lis constat, auctoritatem infallibi-
 lem Conciliorum à numero Epif-
 coporum pendere: & hinc tanta
 eius contentio & conatus vt nu-
 merosissimâ Concilij Constantien-
 sis multitudinem astruat. sic enim

Anonym.
in vita
Gersonii
initio

Platina
in vita
Greg.

Dist. 5.
canone
sicut fan-
cti Euan-
gelij,

ait *Antipapæ præter regulos Apuliæ, Arragoniæ, Scotiæ, et comitē Armeniaci, nullos sui scismatis fautores habuerūt, et à propriis Cardinalibus tanquā perfidi & infames sunt relictī, ut historiæ omnes, et Platina ipse testatur in Gregorio 12. unde si quinque-partitò universalem Ecclesiam distribueremus, vix quintam partem duobus illis Antipapis, & reliquas quatuor Ecclesiæ partes Pisanum & Constantiense Concilium auctorâsse comperiemus: quod ad universalis Synodi constitutionem plus satis esse diuina & naturalis lex comprobat. hæc ille, sed inania verba. Quis enim vnquam à numero Prælatorū Concilij infallibilitatem repetijt? Concilium Constantinopolitanū 150. constans Episcopis propter confirmationem Damasi summi Pontificis, tanquam vnum ex quatuor Euangelijs à D. Gregorio ha-*

betur & suspicatur, & Ariminēse ex
 600. cōstās reprobatur. Sciat ergo
 Cōcilium, quantūcumq; numero-
 sum, si Pōtifice destituatur, esse im-
 perfectū, mutilum & fallibile; ne-
 que totam & vniuersalem Eccle-
 siam reprēsentare. Et vt nihil alicu-
 ius momenti relinquamus; profite-
 mur ad Concilium generale non
 requiri præsentiā totius orbis
 Episcoporum, hoc enim mora-
 liter est impossibile, sed sufficit
 conuocatio generalis in maioribus
 nempe Ecclesię Prouincijs. Secun-
 dō vt nullus Episcoporū vndecun-
 que sit, excludatur, dummodò
 cū sede Apostolicā cōmunionē
 habeat. Tertiò, vt ex maiori parte
 Christianorum aliqui adueniant.
 Quartò, vt in eo per se, vel per suos
 legatos præsint Pontifex, & tūc tale
 Cōcilium est generale, & infallibi-
 le. Neque verò obijciat, cuicumq;

Matth.
18.

congregationi pro rebus religionis
promissam esse infallibilitatē, iuxta
Christi verba *si duo vel tres con-
gregati fuerint in nomine meo in me-
dio eorum sum*: facile enim respon-
detur congregationem non esse
in nomine Christi, quando contra,
aut absque legitimo Pontifice ce-
lebratur, sicut, teste Augustino,
*non est petere in nomine saluatoris, pe-
tere contra rationem, aut ordinem sa-
lutis, quæ à Deo sunt, ordinata, sunt
et qui potestati resistit, Dei ordina-
tioni resistit.*

August.
tract. 102.
in Ioan.

Ad Rom.

Pag. 8.
n. 6.

*Quandoquidem oculi, quàm vnicus
oculus longiùs atque acriùs prospici-
unt, ac nemini vnine superbiret à Deo
vel à Natura datum est, vt sapiat.*

Inepta est primùm falsóque ex-
plicata hæc ab Anonymo allata
similitudo, plures quippè oculi
non longiùs atque acriùs pros-
piciunt quàm vnicus, illi enim hu-

ius virtutem non intendunt, imo-verò neque, vt ex Philosophiæ oraculis constat, possunt intendere, deberent enim in organū ipsius aliquid immittere, quod tamen nō præstant, vt docet experientia. Secundò ex absurdâ illâ ac penitus infulsâ similitudine longè maior & deterior absurditas consequitur. Vult enim Pontificem, etsi agat vt Pontifex, priuilegio infallibilitatis in decernendo, non esse à Christo donatum: quæ propositio etsi expressè non pugnet contra fidem, cū illud in nullo generali Concilio definitum sit, & plerique Parisienses qui id ipsum defendunt, non fuerint ab Ecclesiâ propterea damnati; certius tamen multò est summum Pontificem isto infallibilitatis priuilegio gaudere. Ad cuius probationem (ne actum agam) tantum proferre lu-

bet, quod habetur in summâ Conciliorum in vitâ & gestis Xisti quarti. Vbi refertur Petrum Oxonensem Clericum secularem, & doctorem Parisiensem ante centum annos in congregatione Cõpluti habitâ, per Archiepiscopum Toletanû damnatum fuisse, quòd inter cætera assereret Romanâ Ecclesiâ, quam pro sede Apostolicâ, vt explicat Bannes, sumebat, in fide errare posse. Quæ condemnatio per specialem extrauagantem à Xisto quarto fuit confirmata, ita vt Doctor ille sententiam retractare, & palinodiam, vt aiunt, canere coactus fuerit, postquam eius libricum cathedrâ in quâ docuerat publicè combusti fuissent. Secundò in errorum Malefoni refutatione Parisiis factâ ad calcem libri Sententiarum, habetur hæc prima conclusio. *Ad sanctam sedem Apo-*

Bannes
in 2. 2. q.
10. disp.
de Eccle-
siâ,

stolicam pertinet auctoritate iudiciali supremâ, circa ea quæ sunt fidei iudicialiter definire, ex eo quòd, fides nunquam ex vi promissionis Christi Petro factæ poterit deficere. Tertiò, caput repræsentat totum corpus, ut Rex integrum Regnum, Episcopus suam Ecclesiam, ergo Pontifex prout agit tanquam vniuersalis Ecclesiæ Iudex & caput eodem infallibilitatis priuilegio quo corpus vniuersum, gaudere poterit.

Ad iustam Ecclesiæ moderationem, non vnius tantum Romani Pontificis, sed trium aut duorum ad minus consensum requiri.

Pag. 10.
num. 6.

Si per iustam illam duorum, aut trium moderationem, ultimam dubiorum emergentium analysin intelligat, peccat contra Facultatem Parisiensem, quæ hanc ad Concilium generale refert: si gubernationem seu iurisdictionem supremam, gra-

ter errat; si enim Pontifex non nisi cum duobus aut tribus legitimè Ecclesiam regat, status eius non erit Monarchicus, sic enim plures dominabuntur. in quo Anonymus Pontificis conditionem inferiorum Prælatorum conditione deteriore reddit: hi enim suas Ecclesias per se, & innatam sibi prudentiâ ita regunt, ut non nisi ad meliùs esse aliorum consilio opus habeant.

Unum & solum Romanum Pontificem in Synodis generalibus decreta fidei non facere, & paulò post confirmatur Canone Maiores. 24. q. 1.

Pag. 11.
num. 6.

Vmbrarum pugnæ, & Andabatarum certamina. Quis vnquam in Concilijs generalibus ius definiendi Episcopis ademit, & ad solum Pontificem transtulit? præest quidem Concilijs, cum ipsa sint ouile Christi, sed non propterea solus definit, ut ex veterum Conci-

77
liorum vſu apertè conſtat, quibus
Epifcopi tanquam definiētes ita
ſolent ſubſcribere, *Ego talis Epifco-
pus definiens ſubſcribo.* Ratio eſt,
quia ſunt Principes & Iudices ſua-
rum Eccleſiarum, quas ſoli in Con-
cilijs repræſentāt, non minùs quàm
Ordines in Regni Comitijs ſuas
prouincias: vnde vt in ijs negotia
publica à ſolis Ordinibus terminā-
tur, & non ab alijs, etſi fortè peri-
tioribus: ſic in Concilijs res Eccle-
ſiaſticę ab Epifcopis cum Romano
Pontifice definiuntur & tranſigun-
tur. Sicut olim in veteri lege dubia
in cauſis Religionis ad Concilium
Sacerdotum referebantur, quo-
rum definitioni accedente ſum-
mi Sacerdotis ſententiâ quiſque
tenebatur obedire. Ne ergo am-
pliùs ſuadere conetur, quod ſi
Pontifex Concilijs præſit, ius defi-
niendi Epifcopis adimitur, & ad

Deute-
ron. 17.

24. q. 1.

cum omninò transfertur. Vnde
perperam & falsò ad huius dog-
matis confirmationem attulit Ca-
nonem *Maiores*. Nihil enim eius
quod intendit eo canone statuitur,
sed solùm non esse opus denuò Sy-
nodum congregari; quando iam in
aliquâ fuit hèresiarcha condemna-
tus, etiamsi postea illius hæresim
quidam amplectantur. Debebat
Anonymus potiùs alios huius
quæst. Canones afferre præsertim-
que illos manet ergo *Petri privilegiũ*,

24. q. 1.

Can. ma-
net ergo.

*Ubicũque ex ipsius æquitate fertur
iudicium, nec nimia seueritas vel re-
missio, ubi nihil erit ligatum, aut so-
lutum, nisi quod B. Petrus ligauerit,
aut soluerit. Item, quoties ratio fidei
ventilatur, arbitror omnes fratres &
Coepiscopos nostros non nisi ad Pe-
trum, id est, sui nominis & honoris
auctoritatem referre debere. His sub-
iungam confessionem Pelagij hæ-*

Ibid.

Can.

Quoties

resiarchæ ad Innocent. Papam, ut
 si auctor Anonymus Canones il-
 los nolit admittere saltem Pelagij
 sententiam hâc in parte non recu-
 set: *Hæc est fides, inquit, Papa bea-*
tissime; quam in Ecclesiâ Romanâ di-
dicimus, quamque semper tenuimus &
tenemus, in quâ si minùs peritè aut
cautè aliquid fortè positum est, emēda-
ri cupimus à te, qui Petri & fidem
& sedem tenes: si autem hæc nostra
confessio Apostolatus tui iudicio com-
probetur, quicumque me maculare
voluerit, se imperitum vel male-
uolum, vel etiam non Catholicum,
non me hæreticum comprobabit.

Habetur
 hic liber
 in Co-
 dice Va-
 ticano.

Respondetur hanc Christi polli-
 citationem, fidem scilicet Petri non
 defecturam secundum literalem sen-
 sum ad solum tempus Dominicæ pas-
 sionis extendi.

Pag. 12.
 n. 7.

Latet anguis in hâc herbâ. verba
 enim apertâ hæresim referūt, iugis

siquidē Ecclesiæ traditio, & vnani-
 mis consensus Patrum apertè do-
 cent hanc Christi Domini oratio-
 nem, pro Petro & successoribus
 eius intelligi. Auctor quæstionum
 noui & veteris testamenti, *rogans*,
 inquit, *pro Petro, pro omnibus*, nem-
 pe successoribus, *rogasse dignosci-*
tur, semper enim populus in præ-
 posito aut corripitur, aut laudatur.
 Theophylactus in hūc locū. *Quia*,
 inquit, *te habeo Principem discipulo-*
rum, confirma ceteros, hoc enim decet
te, Qui post me Ecclesiæ petra futurus
es & firmamentum: Bernardus ad
 Innocentium. *Dignum arbitror ibi*
resarciri fidei damna, ubi non possit
fides sentire defectum. Cui enim alteri
sedī aliquando dictum est, ego rogavi
pro te, ut non deficiat fides tua? Pro-
 feram varios Pontifices, qui cum
 vel martyrio, vel sanctitate clareāt,
 non parui ab authore, ut credo,
 fient

9. 75.

Com. in
 cap. 22.
 Luc.

Epistola
 190. de
 erroribus
 Abaillar-
 di.

fient: Lucius primus epist. ad Epif-
 copos Hispaniæ & Galliæ. *Ecclesia*
Romana Apostolica est & mater om-
niū Ecclesiarum, quæ à tramue Apo-
stolicæ traditionis nūquam errâsse pro-
batur, nec hæreticè deprauata nouita-
tibus succuluit, secundum ipsius do-
mini pollicuationem, ego rogaui pro te,
ut non deficiat fides tua. Felix primus
 epist. ad Benignum *Ecclesia Ro-*
mana ut in exordio normā fidei Chri-
stianæ percepit ab aūthoribus suis Apo-
stolorū principibus illibata manet, iux-
ta illud ego rogaui pro te. Leo primus
Specialis cura Petri à Domino suscipi-
tur & pro fide Petri proximè suppli-
catur, tanquam aliorum status certior
sit futurus, si mens principis victa non
fuerit, in Petro ergo omnium fortitu-
do munitur & diuinæ gratiæ ita ordi-
natur auxilium, ut firmitas quæ per
Christum Petro tribuitur, per Petrum
Apostolis cæteris cōparetur. Agatho

Dignus
 Lucius
 Papa &
 martyr.

Felix
 primus
 Papa &
 martyr.

D. Leo
 serm. 1.
 de As-
 sumpt.

Papa epist. approbatâ in 6. Synodo
actione 8. *Ecclesia Romana num-
quam erravit à tramite Apostolica
traditionis, quia dictum est Petro, ego
rogavi pro te Petre. & addit, Sic Do-
minus fidem Petri non defecturam pro-
misit, & confirmare eum fratres suos
admonuit, quod Apostolicos meæ exi-
guitatis prædecessores fecisse semper
cunctis est agnitum.* Nicolaus epi-
stola ad Michaëlem Imperatorem,
vbi inter alia, dicit priuilegia sedis
Romanæ fore perpetua, quia dictū
est Petro, & tu aliquando conuer-
sus confirma fratres tuos. Leo Nonus
Epistola ad Petrum Antiochenū,
dicit Dominum pro solo Petro hîc
rogâsse, & subdit quæ venerabilis
& efficax oratio obtinuit, quòd hæte-
nus fides Petro non defecit, nec defu-
tura creditur, in throno illius. Et In-
nocentius tertius cap. Maiores de
Baptismo & eius effectū, maiores

Nicolaus
primus.

Leo No-
nus.

Ecclesiæ caussas præsertim circa articulos fidei contingentes ad Petri sedē referendas intelligit, qui nouit pro eo dominum exorâsse, ne deficiat fides. Tāta tantorum virorum testimonia non nisi gnauiter impudens reiiciet: quibus tamē aperitissimè liquet contra ipsum, orationem Christi non solum pro tempore passionis, sed pro vitæ D. Petri residuo, & , quod Anonymo minùs placet , pro omnibus illius successoribus efficaciam habuisse. Et certè si verum esset quod intendit Anonymus, parum fuisset efficax illâ nostri Seruatoris oratio: nam cùm D. Petrus nocte passionis, ad vocem vilioris ancillulæ ter Christum ore negauerit , tantùm profuisset oratio , vt fidem animo D. Petrus retineret, non autem vt eam exterius & intrepidè coram hominibus profiteretur ; quod

De au-
thoritate
Ecclesiæ
cap. 10.

multum de illius efficaciam detrahe-
ret: quandoquidem grauissimum
D. Petri peccatum non impediui-
set; quo fit ut simul erronea & noua
sit auctoris Anonymi expositio:
etsi enim Parisienses Doctores, ut
Almainus & Gerson doceant Chri-
stum immediatè pro Ecclesia orâs-
se, mediatè verò pro Petro quate-
nus Ecclesiam, cuius caput futu-
rum erat, repræsentabat; nullus ta-
men eorum vnquam eò deuenit,
ut orationem hanc & promissio-
nem infallibilitatis ad solum tem-
pus Dominicæ passionis cum Ano-
nymo restrinxerit. Sed hoc vnum
sepe auersatur ac refugit, nescilicet
dicat D. Petrû Ecclesiam repræsen-
tasse, & in eo tanquam in Supremo
capite fuisse contentam, ideòque
nouam istam scripturæ expositio-
nem non minùs temere, quàm fal-
sò maluit obtrudere.

Quamobrem hoc argumentum fallit à dicto secundum quid ad dictum simpliciter.

Pag. 12.
num. 7.

Supponit nos, ex eo quòd D. Petrus fidem tempore passionis interiùs constanti animo retinuerit, velle eum toto vitæ tempore, ipsam amittere non potuisse, cum tamen ex Patribus ante allatis, satis constet nos supponere infallibilitatis promissionem esse absolutam nec ad aliquod tempus restringendam. Sed hoc ei condonemus, ex Antibellarmino hæretico responsionem hanc, sicut & multa alia surripuit, cui nihil frequentius quàm vniuersa argumenta quæ pro infallibilitate D. Petri eiusque successoribus fiunt, à dicto secundum quid ad dictum simpliciter fallere. Ex his nihilominus apertissimè cõstat Anonymum in eâ versari sententiâ, D. scilicet Petrum exacto passionis tempore falli, & fallere

Ad the-
sim octa-
uam de
infallibili
iudicio
Pontifi-
eis.

potuisse, cùm pro illo tempore oratio Christi vim solùm habuerit: quòd certè ferri non debet, cùm non solùm contra vnanimem Patrum consensum pugnet, sed etiam naturam, & essentiam Apostolatus ominò euertat: eo enim ipso quòd Apostoli immediatà à Christo missionē acceperint, & Spiritu sancto die Pentecostes repleti fuerint; neque in peccatum, neque in errorem ampliùs, in gratia scilicet confirmati, labi potuerunt. Nec cum Nouatoribus nostris vrgeat D. Petrum tãquam in veritate Euãgelij non ambulantem, à D. Paulo reprehensum fuisse: nota enim & cuique peruia sunt Catholicorum responsa, quæ ideo, vt & in gratiam breuitatis lubens prætermitto.

Pag. 12.
num. 8.

Lege, quàm absoluto vnus imperio gubernari multò præstat: quoniam lex, instar Dei, amore, irâ, odio, alijsque affectibus humanis caret.

Quamuis in lege nulli esse possint affectus, cum sensu, motuque careat, in eâ nihilominus multa sunt quæ illius excellentiam & dignitatem comparatione Regum & iudicum valdè imminuunt. Primum enim cum quinque actus legis enumerari soleant, præcipere, prohibere, permittere, punire, & compensare, hi omnes à Rege & Iudice multò meliùs & perfectiùs, quàm à lege fiunt; tum quia ipsa est mortua, tum quia comiter monstrat viam, ostendens tantùm quid factò opus sit: at verò Iudex tanquam lex viua & animata ad actum omnia reducit, & applicat; tum quia quævis legis efficacia penderet à Legislatore, cum ipse eam condiderit; igitur ipse multò maiorem habebit efficaciam; cum, *Propter quod unumquodque tale est illud magis.* Secundò, tot sunt in lege inter-

Psal. 17.

D. Aug.
Epist. 62.

pretationes & exceptiones, vt regulæ Lesbîæ, & plumbeæ, quæ in hanc & in illam partem inflectitur, conferri soleat: vnde si auctoritas Iudicis nō accedat, nullus ferè ex lege fructus referri poterit. Quid enim profut iura, si nō sunt qui iura tueantur. Scriptura, *lex est immaculata, præceptum lucidum, illuminās oculos;* vt sacrae literæ perhibent, & tamen, infinita propè sunt, fuerunt, & erunt de germano illius sensu dissidia. Nulla enim vnquam fuit tam peruersa hæresis, quæ non aliquod infidelitatis suæ testimoniū in Scripturâ effinxerit. Arriani 40. & amplius Scripturæ locos adducebant: Nouatiani multos: Pelagiani, quāplurimos: & vt ad hæc nostra miserrima tēpora accedam, Christus Dominus corporis & sanguinis substantiam nobis legauit, his verbis, *hoc est corpus meum*, contra quæ

nihilominus tot exceptiones, tot
 interpretationes à Nouatoribus
 effictæ sunt, vt quatuor hæc ver-
 bula explicationes plus-quàm sexa-
 ginta patiantur. Apostoli duplex
 verbum γραφὸν καὶ ἀγραφον nobis re-
 liquerunt. Concilia item varia olim
 sunt habita. Est-ne controuersia-
 rum finis? Sed vnde? nisi quia hæ-
 retici ad solâ legem mortuam pro-
 uocant, vt iudicium animatum
 Summi Pontificis, quantum pos-
 sunt, refugiant. Postremò Apo-
 stolorum tempore raræ fuerūt hæ-
 reses, imò nullæ, nisi fortè sub fi-
 nem vitæ D. Ioannis, in quo Ebio-
 nitæ Ecclesiam vexare cæperunt:
 ratio verò nulla est alia, nisi quia tūc
 Ecclesia, non scripturâ, sed viuo
 Apostolorum oraculo regebatur.
 Ex quibus liquet satius esse Rege
 seu Principe, quam lege guber-
 nari.

Sanct.
 repetit. de
 Euchar.

Dixi ab initio auctorem Anonymum in hæresim non esse prolapsum, nec, ut credo, prolapsurum; sed certè, cum pertinaciter affirmat potio-rem esse legis quàm Principis gubernationem, multa reliquit errorum semina, magnamque hæreticis ansam dedit ut scripturam iudicio Prælatorum antepo-
nant. Olim D. Hieronymi tempore lex scripta, sicut nunc, omnium fidelium, tam in Oriente quàm in Occidente manibus terebatur: Sed omnes iudicio & Cõcilio Damasi summi Pontificis gubernari malebant *iunabã*, inquit, *in chartis Ecclesiasticis Damasum Romanæ urbis Episcopum*, in respondendo Orientis atque Occidentis Synodicis consultationibus, quæ ad illum in dies referebantur. Hoc etiam in transcurso observauerim, Anonymum dum summi Pontificis auctoritatem conatur deprimere Re-

gum simul & Principum auctoritatem & dignitatem funditus euertere; cùm legibus potiùs quàm Regibus, illius iudicio, præstet gubernari. Quod quàm periculosum & perniciosum sit, malim aliorum iudicio relinquere, quàm exaggerare pluribus. Nec dicat axioma istud esse Aristotelis, non enim propterea maiorem fidem meretur: imò verò cùm verba illa Aristotelis sint austeriora, Regiamque minuant dignitatem, miror quo pacto se ex Aristotele Maximam illam depròpsisse asseruerit.

Galliarum Episcopi Nicolao Papæ scripserunt decretales, & bullas Romanorum Pontificum nequaquam obligari, nisi Canonum disciplinis, & Concilijs ante receptis essent conformes: Canone si Rom. & Can. omnia.

Pag. 14.
num. 8.

Quod pro conuellendâ fide præstant nouatores, hoc pro euertenda

authoritate Pape facit Anonymus:
 vt enim illi veterum patrum scri-
 pta quibus omnino confodiuntur,
 eatenus duntaxat admittunt, qua-
 tenus cum scripturis sanctis con-
 formitatem habent. Sic Pontificū
 decretales, & bullas non vult Ano-
 nymus recipere, aut approbare, nisi
 antiquis, & ante receptis Canoni-
 bus conformes videantur. Falsum
 hoc dogma, aliter quàm per falsum
 probare non poterat, quippe cum
 Canone *si Romanorum* quem in
 suæ sententiæ cōfirmationem pro-
 fert tantūm definiatur, decreta-
 les Romanorum Pontificum vim
 authoritatis habere; etsi in corpore
 quod Sanctus Isidorus edidit non
 habeantur. *Aliter enim*, Nicolaus
 Papa, *rescripta D. Gregorij & alio-
 rum sanctorum Pontificum, imo et
 scripturæ sanctę, quę in corpore Isido-
 ri non inueniuntur reijciendę essent,*

distinct.
 12.

25
 quo fit ut Galliarum Episcopi tan-
 tum eo tempore dubitarent, an de-
 cretales quæ Isidori corpore non
 continebantur Canonum vim ha-
 berent. Videat lector, si hoc Nico-
 lai responsum absque ullâ restri-
 ctione, quo asserit decretales vim
 habere, nõ plus feriat Anonymum
 quàm ei faueat: quod ad Canonẽ
 omnia ita habet. *Omnia decretalia*
cunctorum prædecessorum, quæ de Ec-
clesiasticis ordinibus & Canonum sunt
promulgata disciplinis, ita ab omni-
b^{25. quæst.}
b^{1.}
us Episcopis & Sacerdotibus custo-
diri mandamus; ut si quid in illa cõ-
miserint, veniam sibi honoris dein-
ceps nouerint denegari. Vbi quæso
 extant verba vlla quæ significant
 non obligare Pontificis Canones,
 nisi sint cum antiquis conformes?
 Sed cur hanc conformitatem tan-
 topere vrget Anonymus? non aliã
 sanè ob causam, quam ut inobe-

dientiam foueat, & patentem viam
appellationibus continuis aperiat.
neque est quod respondeat in hoc
consistere regimen Aristocraticū;
cū illud sit potius Anarchicum:
Sic enim tota Prælatorum potestas
quæ controuersijs finem debet im-
ponere, funditus euertitur.

Pag. 14.
num. 8.

*Hincmarus Archiepiscopus Rhe-
mensis Hincmaro nepoti suo respondet
Decretales Pontificum epistolas quas
ante Synodum Nicenam editas per-
hibent exiguæ esse fidei, propterea quod
sacris Canonibus non concordarent.*

Decretales quæ cum antiquis nō
erāt conformes supra impugnauit
Anonymus, hīc sui immemor an-
tiquas & ante Nycenum Cōcilium
editas antiquat, dicens eas *exiguæ
esse fidei.* in cuius rei confirmatio-
nem, non aliud quàm scismatici &
versipellis testimonium potuit ex-
cogitare. Hincmari nempe Rhe-

mensis, cuius & si principia laudabilia fuerint, non responderunt tamen vltima primis. Fuit enim Apostolicarum literarum falsarius, subreptione priuilegia quædam à sede Apostolicâ impetrauit, contumax & rebellis mandatis Pontificis, excæcationis nepotis sui viri laudatissimi & Episcopi Laudunensis reus, ad modum Arrij decretalibus & Canonibus se obediturum fraudulenter promisit, vt narrat Flooardus, *eas*, inquit Hincmarus, *decretales summorum Pontificum suscipiendas dico & scribo, & sacros Conciliorum Canones cum decretalibus Apostolicis, sed ex eisdem Canonibus promulgatis & recipiendos & custodiendos & seruandos sicut supra ostēdi, profiteor*: Dolosè certè. Simul enim se eas recipere fatetur & diffitetur, cum videlicet restringit ad ea quæ in Concilijs sancita & recepta erant

Lib. 3.
cap. 21.

per antiquos Canones. Sed quid aliud insinuat Anonymus? Certè ipse secum pugnans idem negat simul & affirmat. Cæterum mirari satis non possum, cur cum centuriatorib⁹ Canones illos ante Nyce-
nam Synodum editos *exigua fidei* vocat: cùm his vt iam ostēdimus, variæ fuerint sopitæ & extinctæ hæreses, quæ certè iuxta hanc Anonymi doctrinam statim possent re-
uiuiscere. Sed rem vrgeamus. D. Clemens scripsit Constitutiones Apostolorum, quæ etsi inter scri-
pturas apochryphas recenseantur, non desinunt tamen magnæ esse authoritatis & fidei. Sunt enim apochryphæ, id est, non Canonica; quòd minimè constet an ab Apo-
stolis sint conscriptę. Testis eius rei est Epiphanius, *Apostolorum consti-
tutio apud multos in ambiguo est* (id est, an sit Canonica) *sed non re-
probata.*

Turr. lib.
2. contra
Magde-
burg.

Hæres
70.

*probata. Omnis enim regularis or-
do, in ipsa habetur, et nihil est à fide
adulteratum, neque à confessione,
neque ab Ecclesiastica gubernatio-
ne & regula. Anacletus seriem Pa-
triarchalium sedium instituit, quæ
in Ecclesia vsque ad Patriarcharum
Constantinopolitanorum ambitio-
nē viguit. Victor omnes Asiæ Epif-
copos pro celebratione Paschæ ana-
themate percussit. Et Stephanus de
non rebaptisandis ijs qui ab hære-
ticis baptisati fuerant. Hæc multâ-
que alia quæ in gratiam amicæ bre-
uitatis omittimus, nō sunt, nec esse
possunt exiguæ fidei. Sed quæ so-
contradictionem Anonymi expli-
cemus. Toto penè suo libello con-
tendit facultatem edendi Canones
penes generale Concilium reside-
re, adeout pontifex executionem,
interpretationem, & dispensatio-
nem eorum tantum habeat. Hic*

*Pontifi-
cale Rom.
& Baron.
ad An.
112.*

*Euseb.
f. cap. 24
& 25. Ba-
ron. adan.
199.*

*Vinc. li-
riensis
libro con-
tra hæret.*

*Baron. ad
an. 158.*

verò docet decretales Pontificum ante Nicenum Concilium, quod omnium generalium primum est, ideo nullam vim habere quia sacris canonibus non consentiebant, At quis sacros illos Canones ediderat, cum nondum celebratum fuisset generale Concilium? Dicet forte ab Apostolis fuisse editos sed quis nescit Apostolorum Canones minorem semper in Ecclesia vim habuisse quàm alia pontificum decreta cū à Gelasio in numero apochryphorum recenseantur, eorumque numerus valde incertus sit, aliqui enim 70. alij. 80. alij vero interdum 50. duntaxat numerant.

Baron.
ad an.
102. &
Tur. lib.
2. contra
Magde-
burg.

Sextum, plenitudinem authoritatis Pontificis definit ad executionem, interpretationem, & dispensationem canonum, minimè verò ad institutionem nisi per se, vel per legatos suos Concilio præsideat.

Pag. 15.
num 9.

Lutheri, Caluini, Valdensium & De capti-
 Marfilij Paduani dogma *quo iure,* uit. babyl.
inquit Luther Papa super nos leges cap. de
constituit? quis dedit ei potestatem li- baptismo
bertatis nostræ, per baptismum nobis 4. insti-
donatæ. Antibellarminus Caluinista tut cap.
 ex sententia suorum, *nostri,* inquit, 10 § 12.
concedunt legitimos Ecclesiæ Pasto- Anton.
res, siue potius ipsas Ecclesias (noten- part. 4.
tur hæc verba) potestatem aliquam tit. 11 cap.
habere Dei verbum promulgandi, de- 7 § 2
que rebus externis siue ritibus adiapho- lib. de effe-
ris aliquid constituendi; & paulo post. torum
Sed novas aliquas leges in conscientia pa. is.
verè obligantes, siue necessario ad fi- Thesi 12.
dem vel vitam Christianam pertinen- de consti-
tes, ab Episcopis ullo diuino iure con- tua Po. ri-
stitui posse negant: aut aliam cogendi ficis po-
potestatem, quàm quæ modo dicta est testate
concessam esse, aut denique maiorem inferen-
hac in parte Romani Pontificis quàm dis legi-
aliorum Episcoporum authoritatē esse. bus.
 Id est ipsum, sicut nec ceteros Præ-

latos potestatem condendi Canones habere. Quid autem aliud dicit Anonymus, cum interpretationem, dispensationem, & executionem Canonum, non institutionem Pontifici tradit, imò multò generalius Antibellarmino loquitur: quippe qui pro disciplinâ & ritibus Prælati summoq; pontifici potestatem aliquâ concedit, quod tamẽ Anonymus ei denegare videtur. Sed si vera est, hæc opinio, omnes quotquot sunt hæreses, ante primum Concilium damnatæ reuiuiscunt Marcionis, Manicheorû, Nouatianorum, Helquesetarum, Messalianorum, denique D. Cypriani error, cum à solis pontificibus absque generalibus Concilijs sint dānatæ, idque præsertim, quod paulò ante ex Hincmaro decretales ante Nicenam Synodum exigue fidei esse docuerit. Nulla ergo

aut ad summum exigua fuit illarū
 hæreseon condemnatio. Secundò
 ruent similiter omnia alia Pontifi-
 cum decreta, vt Damasi, Leonis, D.
 Gregorij, Innocentij, Nicolai, quæ
 tamen *Canone si Romanorum &* Dist. 19.
25. q. 1.
Canone omnia tãtopere commen-
 dantur: quippe quæ sine Concilio
 generali sunt instituta. Tertiò hoc Cocleus
in vita Lu-
theri.
 fuit initium Lutheri (pace Anony-
 mi dixerim) qui à principio suæ ab
 Ecclesiâ defectionis decretaliū cor-
 pus igni tradidit, eam solùm ob
 causam, quia captiuitatem Baby-
 lonicam suo iudicio inducebāt, &
 nullius erant obligationis, quippe
 quæ edità essent à viris defectū po-
 testatis quo nullus est maior habē-
 tibus, & propterea non esse quod
 tandiu membranas & terram ad in-
 star infructuosæ ficus occuparent.
 Quartò omnibus seculis Pontifices
 sūmi Canones Encyclicos per vni-

Epist. I.
& 81.

uerſalem Eccleſiam ediderunt. Leo
quatuor leges omnibus Episcopis
vbiuis locorum exiſtentibus impo-
ſuit ſubiungens, *Si quis contra fece-
rit à ſuo officio ſubmoneatur*, quod à
D. Gregorio & alijs ſimiliter factū
eſt, quo fit vt cūm generalem Ec-
cleſiæ uſum negare inſolentiſſimæ
ſit inſaniæ, authore Auguſtino, nō-
niſi inſolenter & falſò poteſtas illa
inſtituendorum Canonum Ponti-
ficibus adimitur. Nec dicat aliud
eſſe legem, & aliud canonem: &
Pontificem quidem illam, non hūc
condere poſſe: Hoc enim effugiū
eſt planēque inanis tergiuerſatio,
quando quidem nulla eſt intervtrū-
que differentia, niſi quòd decreta
fidei aut diſciplinæ Eccleſiaſtica
Canones dicūtur, decreta verò im-
perialia leges: Deinde cūm leges
horū Pontificum tomis Concilio-
rum & Decretorum corpori inſer-

Epist. ad
Ianna-
rium 118.

tæ sint, non possunt non appellari
canones.

Sed potestatem illam edendorū
Canonū summo Pontifici esse de-
bitam rationibus Theologorum
demonstremus. Ecclesia est Res-
publica vndiquaque perfecta ad
imaginem triumphantis expressa,
ita ut nihil quod ad eius conserva-
tionem facit ei deesse debeat. At-
qui ad optimam Reipublicæ gu-
bernationem, præsertim vbi status
est Monarchicus, ad superiorem
spectat sancire leges, ijsque sub-
ditos adstringere. Item lex à ligan-
do deriuatur, atqui Christus cū
Petro tum Apostolis potestatem
ligandi dedit Matthæi 18. *Amen,*
amen dico vobis, quæcunque ligaueri-
tis, &c. Igitur & leges ferendi. Ter-
tiò ex Anonymo Reges terræ ad
Ecclesiæ incolumitatem et Canonum
Ecclesiasticorum executionem leges

Pag. 12.

num. 12.

*sancire, atque inter sua edicta, codices,
 aut capitularia possunt inferere. Igi-
 tur multo-magis Ecclesiæ Prælati
 & præsertim summus Pontifex.
 Vnde si Canones de nouo non
 possit condere, sed veterum tan-
 tum executionem procurare,
 non maiorem in Ecclesiam quàm
 Imperator vel Magistratus sæcula-
 ris obtinebit auctoritatem. Quar-
 tò ex eodem authore Facultas
 Parisiensis decreta quædam etiam
 in materia fidei, potest edere &
 censurâ in libros hæreticos, aut ad
 hæresim accedentes animaduertere:
 Atqui Pontifex est eius superior,
 neque hanc potestatem ab alio,
 quàm ab eo accepit. Igitur cùm
*Propter quod unumquodque tale
 Et illud magis,* Pontifex decretorum
 & Canonum de nouo edendorum
 facultatem habebit. Maximè cùm
 à Sorbonæ decretis ad summum
 Pontificem locus sit prouocationi.*

Denique cùm sint duo Canonum genera, alij de fide, alij de moribus; hos credo author Pontifici nō denegat. Cùm enim mores pro diuersitate locorum & temporum varij sint, & desuetudine aut consuetudine contraria antiquari soleant, maximum disciplina Ecclesiæ dispendium pateretur, si cùm rarò & difficilè Oecumenica cogātur Cōcilia, Pontifex de moribus nō posset statuere. Pro fide, etsi Parisienses ad Concilium generale vltimam eius analysim referant, non tamen propterea potestatem de fide discernendi, Pontifici vnquā ademerunt, & meritò. Quæro enim ab Anonymo si nunc dubium in Ecclesiâ oriretur, an Eucharistia esset latriâ adoranda, vel an vsus calicis populo necessarius & similia, si Cōcilium Oecumenicum pro horum definitione expectandum esset, in

euidens errandi periculum tota cō-
 iiceretur Ecclesia cum Concilia per
 centum, ducentos, aut interdum
 trecentos annos non celebrentur.
 Sed nec hodie ferè celebrari pos-
 sunt, cū Reges absentiam suorū
 Episcoporum, & eorum cū exte-
 ris conuersationem semper ægrè
 ferant. Quamobrem nunquam
 Parisienses & si à partibus Conci-
 liorum generalium steterint, eò de-
 uenerunt, vt potestatem edendi
 Canones in materiâ fidei Pontifici-
 bus ademerint. Quando Pontifex,
 inquit Gerson, aliquid decernit,
 nunquam contrarium est publicè
 dogmatizādum, nisi apertè (quod
 de suo addit) constet de falsitate.
 Supponit ergo eum posse de-
 cernere, eiusque decretum obli-
 gationem inducere. Almainus *uni*
Petro & successoribus eius data est
potestas constituendi Canones. Item,

*in foro exteriori potest aliquid summus Pontifex præcipere, cuius transgressio erit peccatum mortale, quæ non esset excluso tali precepto. Ad cuius confirmationem citat Gerfonem. Robertus Cænalis libro de oblati conditionibus ab hæreticis, ait ad consensum fidei necessariam esse Pontificis Monarchiam, nec eam tanto odio ab hæreticis habendam esse. Huc referri possunt, quæ de Petro Oxomeni, & erroribus olim Parisiis damnatis adduximus. Quinimo Conciliū Constantiense (cuius in omnibus Anonymus author noster est acerrimus propugnator) bullam edidit quæ incipit *inter cunctas*, ubi bis repetit censendos esse hæreticos, qui aliter sentiunt de Eucharistia, & cæteris sacramentis ac fidei articulis, quàm sancta Romana Ecclesia sentit, & docet, quo loco Romana, ut*

Cap. 4.
de pote-
state Ec-
clesiæ
subfinem.

Tomo 3.
Concilio-
rum.

D. 2. q. 1.
art. 10.

docet Bannes, pro sede Aposto-
licâ vsurpatur. Cæterum non tan-
tùm cum veritate pugnat Anony-
mus, sed ne-quidem cum seipso
consentit. Ait enim Pontifici in-
terpretationem Canonum iure
competere, quod cùm de inter-
pretatione priuatâ non intelliga-
tur, de publicâ & iudiciariâ debet
intelligi. Atqui hæc interpretandi
facultas est tantùm penes ipsius le-
gis authorem, cuius enim est le-
gem condere, eiusdem est eandem
interpretari. Codice de legibus leg.
*Sacratissima. Si quid in legibus latum
fuerit obscurius, oportet ab imperato-
ris interpretatione patefieri, & lege si
Imperialis. Si enim leges condere soli
est concessum Imperatori, & leges in-
terpretari, solo dignum Imperio unde
cùm ex Anonymi opinione iuridi-
cè Pontifex Canones interprete-
tur, eosdem etiam instituere, & cõ-*

dere poterit. Neque vnum sine altero, aut vtrumque simul citra hæresim poterit ipsi denegari.

Lapsu demum temporis, cum omnes Christianę nationes summis ignorantie tenebris consopirentur, absolutam auctoritatem omnia decernendi collegerunt, præcipuè à Gregorijs VII. temporibus, cuius vitam. &c.

Pag. 16.
n. 9.

De fide est in Ecclesiam non solum in Concilio congregatam, sed diffusam vbique terrarum, summam & crassam ignorantiam qualem hic depingit Anonymus, non posse cadere. Ioannis enim 14. & 15. Christus promisit spiritum qui maneat cum eâ in æternum, & doceat eam omnem veritatem: respõdebit fortè se de ignorantia rerum ad salutem pertinentium non loqui, sed de aliâ quæ tantum est respectu Ecclesiasticæ disciplinæ. at quàm absurdè hoc dica-

tut hinc patet, quòd disciplina Ecclesiastica per quam mores instituuntur & formantur ad salutē hominum pertineat: cūm experiētiā constet morū deprauationem proximam esse ad errorem dispositionem. *Neque error peccatum, vt docet Cyprianus, sed potius peccatum errorem gignit: Nec ex aliis hominibus sunt heretici, quàm ex ijs qui si in Ecclesiā permanissent nihilominus periissent. Item, fides sola ad salutem non est satis nisi cum charitate bonisque operibus coniungatur; frustra enim quis sibi de solā fide blanditur, qui bonis operibus non ornatur: Cum ergo boni mores ad salutem sint necessarij, & hi per disciplinam Ecclesiasticam habeantur & conseruentur illius ignorantia non potest nō esse Ecclesiæ perniciosissima, ideoque falsum est, & hæresim sapiēs totam Ecclesiam à Gregorij septimi tem-*

D. Cypr.

D. Aug.
de vera
relig. ca. 8.

D. Bern.

poribus eâ ignorantia in summo gradu, vt ait Anonymus laborâsse. Caterum hîc omnibus Pontificibus qui post Gregorium illum Ecclesiam gubernarunt, grauem infert iniuriam; dum tyrannicè & absolute ius omnia decernendi sibi vsurpasse comminiscitur, cum tamen multi sanctissimi Pontifices ab eo tempore in Ecclesiâ floruerint Innocentius 3. Eugenius 3. Celestinus 5. & alij. Pro Gregorio septimo duo illi maximum odium conflauerunt: renouatio cœlibatus sacerdotum qui suo tempore varijs in locis minimè obseruabatur, & abdicatio Hêrici 3. aliàs 4. à cuius fauoribus nulla non conuitia passus est. Sed Catholici scriptores synchroni optimum & sanctum eum nobis exhibent Monachum nempe Cluniaci Professum, de rebus Ecclesię impensè sollicitum Ponti-

Micro-
logus
cap. 14.
Leo
Ostien-
sis lib. 3.
cap. 14.
& Baro-
ad an.
1085.

112
ficem voce generali populi acclamatum , iurium sedis Apostolicæ defensorem magnanimum , miraculis tam in vitâ quàm post mortem clarum, & in album sanctorum statim ab obitu relatum : Ne itaque vnum Onuphrium Pontificibus plus æquo infensum tantis scriptoribus Anonymus anteponat.

Pag 16.
num. 10. *Ecclesiam sumptam pro cætufidelium, unico ac solo capite essentiali ac fundamento Christo esse contentam, nihilominus in ratione exercitiij atque executionis, regiminis à duobus Pontifice scilicet & politico Principe gubernari.*

Modum istum loquendi quo perniciofa trahitur consequentia, népe Ponticem non fore Ecclesiæ necessarium , iam satis explosimus vnicum hîc restat animaduersione dignissimum: cùm enim dicit Anonymus

nymus Ecclesiam sumptam pro cętu fidelium vnico ac solo capite essentiali Christo Domino contentam esse, Põtificem supremum Ecclesię esse superfluum videtur adstruere: Quorsum enim dicit contentam esse eo solo capite? Si contenta est, ergo Pontifex est omnino superuacaneus. Quod sine impietate sustinere non potest. Vnde, quamuis Christus per potestatem quam vocant excellentię, absque alicuius auxilio Ecclesiam possit regere nihilominus voluit homines ab homibus gubernari, non minùs quam inferiores Angelos per superiores; tùm vt potentia sapientia, bonitas, & cęterę alię eius perfectiones in eâ superiorum & inferiorum distinctione magis relucere, tum vt magis edomaretur hominum superbia, quando nempe ab alijs sibi in naturâ simi-

In 4. dist
2.

libus gubernatur, & sic in scripturâ
obseruamus spiritû Prophetarum
Prophetis subiectû esse debere. Po-
test quidem, Deus vt notant Theo-
logi homines absq; sacramentis iu-
stificare, cû virtus diuina non sit
his alligata : Quis tamen Catholi-
corum audebit affirmare homines
contentos esse redemptione Chri-
sti, & sacramenta ad salutem esse
superuacua? Dicamus ergo stante
lege Euangelij Ecclesiam non
posse propriè dici vnico ac solo
capite Christo Domino con-
tentam; Alias enim contra suam
naturam esset corpus informe &
monstruosum. Cæterum non mi-
nùs est reprehendendum quod ait
Ecclesiam sumptam pro cœtu fide-
lium seu republicâ Christianâ à
Pontifice, & Principe politico gu-
bernari. primùm, quia in neutro
canone id expressè habetur. in prio-

re enim tantum dicitur mundum non Ecclesiam à duobus differenter gubernari : in posteriore principibus quidem incumbere, tueri Ecclesiam non tamen regere. *Palatia Regum sunt, templa vero sacerdotum. Imperatores huius seculi sciāt se Pontificibus subesse non præesse.* Secundò quia ut planius ex infra dicendis constabit, differentiam regiminis Ecclesiæ inter pontificem & principem statuit in eo quod ille in internis conscientiæ motibus, & eis quæ ad animam immediatè referuntur totus occupetur : Princeps vero politicus exteriorem Ecclesiæ disciplinam præscribat: quod certè integrâ Prælatorum iurisdictionem euertit.

Pag. 17.
num. 11

Quæ, nempe arma, nempe excommunicationem, olim absque consilio et moderatione Aristocraticâ Presbyterij non licebat distringere. Idque inquit

Pag. 17.
num. 11.

natura regiminis Aristocratici postulat.

Hoc profecto temerarium, erroneum, Prælatisque iniuriosum. Temerarium, quia sine lege & teste saltem omni exceptione maiori asseritur. Quinimo pugnat contra Gersonem & Almainum, qui absolutè & sine vllâ conditione Prælati & summo Pontifici potestatem ferendi excommunicationes etiam latæ sententiæ, ut vocant, tribuunt, illudque patet, i. quæst. i. de quodam qui ediderat libellum famosum. Vbi D. Gregorius motu proprio sine vlllo consilio Aristocratico dixit, *nisi talis confessus fuerit, ipsum priuamus perceptione corporis & sanguinis Christi Domini, & si sumat à corpore Ecclesiæ sit diuisus.* Erroneum, quia pugnat contra communem omnium Catholicorum sensum, qui hanc ex-

Libris de
potesta-
te Eccle-
cap. 4.

i. qu. i.

communicandi facultatem abso-
lutè Pontifici & Prælati tribuunt,
vnde Canone *duo sunt*, refertur
Ambrosium non tamen vniuersa-
lis Ecclesiæ Episcopum, pro culpâ
quæ aliis Sacerdotibus non adeo
gravis videbatur, Theodosiû Im-
peratorē ab Ecclesiâ exclusisse. Vbi
notandum est D. Ambrosium eum
exclusisse non solum sine Aristo-
cratico consilio, sed etiam contra
illud. Prælati denique & Pontifici
iniuriosum, quia indies pro casibus
occurrentibus monitoria absq; Pa-
træcorum consilio, quos Diœcesis
optimates putat Anonymus, decer-
nūt. Quâ in re sibi pro more suo cō-
tradicit author. Nam excommuni-
cationis arma ad executionem Ca-
nonum spectant, atqui Canonum
executio ad summum Pontificem,
& ad Prælatos pertinet; igitur &
districtio horum armorum. Venit

certè mihi in mentem ista paulò
attentius consideranti consilium
Aristocraticum, quod ipse pro his
armis distringendis postulat, esse
vel Principem, aut secularem ma-
gistratum: nam pluribus locis sta-
tuit Principes esse executores Ca-
nonum, & ad eos Conciliorum
congregationem spectare, atqui
excommunicatio absque Concilio
Aristocratico ferri minimè potest,
ergo nec sine principis aut magi-
stratus secularis auctoritate, quod
certè dignitati & officio Prælato-
rum & Pontificis maximè est iniu-
riosum: & quamvis hæc recepta sit
in Galliâ consuetudo, vt ad instan-
tiam secularis magistratus pro re-
bus occultis excommunicationes
decernantur; non tamen sequitur
Prælatos sine Principe, aut Magi-
stratu seculari vllas ferre posse. Ex-
perientia enim illud luculenter do-

119
cet. concludamus ergo Prælatiſ ſpi-
ritualium armorum diſtinctionem
ſive uſum ita competere, ut per ſe
abſque Ariſtocratico conſilio Pa-
ræcorum ea poſſint diſtringere.

Ioann. 18. *Regnum meum non eſt
de hoc mundo.* Lucæ 9. *Vulpes fo-* Pag. 17.
ueas habent, filius autem hominis non num. 11.
habet ubi caput ſuum reclinet. Quod
idem eſt ac ſi perhiberet Eccleſiam,
neque territoriũ, neque ius gladij, &c.

Quis iſta legendo non facilè in-
feret authori fuiſſe in animo, ab Ec-
cleſiaſticis bonorum poſſeſſionem
adimere? erat certè ipſiſſimũ Meſſa-
lianorum, Bohemorum, & paupe-
rum de Lugduno argumētum, qui
cum Chriſti, & Apoſtolorum pau-
pertatem Pontifici Prælatiſque op-
ponerent, eos ne quidem ſuo-
rum bonorum uſufructuarios eſſe
iactabant. Scio equidem authorẽ
de eo minimè cogitaſſe, quippe-cũ

non ignoret dogma hoc fuisse à Concilio Constantienſi damnatum; nihilominus id ex verbis eius poteſt inferri. conficiamus enim, quæſo, ſyllogiſmum. Regnum meum non eſt de hoc mundo, aut vulpes foueas habent: filius autem hominis non habet ubi caput reclinat: atqui Eccleſiaſticis, non conuenit aliud regnum quàm quod Chriſtus in mundo habuit: ergo nihil habent aut habere debent in mundo, ne quidem ubi caput reclinet, quod eſt hæreticum, & Cōcilio Constantienſi repugnans. Sed mittamus iſta, de ſpiritualibus enim non de temporalibus noſtra eſt inſtituta diſputatio.

Pag. 21.
num. 12.

*Narrant optimum Principem
Constantinum ſic Episcopos affari
conſueuiſſe, vos intra ego autem ex-
tra Eccleſiam, à Deo Episcopus con-
ſtitutus ſum.*

121

Mendacium putidum. Eusebius
rem totam fidelissimè describit. Lib. 4. de
vita Con-
stant.
Cum Constantinus Episcopus in chron. 23.
& 24.
Aulâ Regiâ conuiuio excepisset,
& sermo incidisset de templis infi-
delium edicto eius occlusis & pro-
phanis eorumdem ritibus prohi-
bitis, Episcopus ita affatus est. *Vos
estis Ecclesiæ Episcopi, ego vero ex-
teriorum sum Episcopus, à Deo con-
stitutus; vbi notum est per exte-
riores, paganos intelligere, op-
ponit enim exteriores, Ecclesiæ,
seu congregationi Christianorum,
quasi diceret Episcopus esse Chri-
stianorum Episcopus. Se autem
gentilium qui sunt extra Eccle-
siam. Deinde ex Eusebio, Constā-
tinus nondum tunc Baptismum
susceperat (quamuis contrarium
sit probabilius) atqui Baptismus
est ianua seu fundamentum totius
iurisdictionis Ecclesiasticæ; adeout*

Baron. ad
an. 424.

catechumenis nullo planè modo
 cōueniat: tum quia nondū sunt de
 Ecclesiæ corpore, sed de animâ tan-
 tum Ecclesiæ vt loquantur, tum
 quia cum Sacerdos Missæ sacri-
 ficiū incipit è templo exeunt.
 Non poterat ergo tunc Constan-
 tinus mysteria, ceremonias, necnō
 ea quę ad disciplinam Ecclesiasti-
 cam spectāt cognoscere, multò mi-
 nus de eis leges sancire, quod ta-
 men vult aduersarius, in quo gra-
 uem tanto Imperatori infert iniu-
 riam, quod scilicet vel Neophy-
 tus iuxta communem sententiā
 aut Cathecumenus tantūm secun-
 dum Eusebium disciplinę Eccle-
 siasticę se immiscere pręsumpse-
 rit, contra ea quę coram patribus
 Nyceni Concilij publicè est pro-
 testatus *Deus vos constituit Sacer-*
dotes, & potestatem dedit de vobis iu-
dicandi, & id eo nos à vobis rectè iu-

dicamur, Vos autem non potestis ab
hominibus iudicari: propter quod Dei
solius inter vos expectate iudicium,
& vestra iurgia quaecumque sunt ad
Dei referentur examen; Vos autem
nobis dati estis dñj, & conueniens
non est, ut homo iudicet Deos, sed
ille solus de quo scriptum est Deus ste- Psal. 81.
stit in Synagogâ Deorum, in medio
autem Deos diiudicat. Quæ apertè
imposturam Anonymi ostendunt;
Constantinum nempe nunquam
se Ecclesiasticæ disciplinæ Episco-
pum, sed exteriorum scilicet gen-
tilium Episcopum haberi voluisse.

Quibus benè perceptis, facile est vi-
dere, & quo sensu Optatus Milevita- Pag. 21.
nus asserat Ecclesiã esse in Republicâ, num. 12.
tanquam in alieno fundo, & territo-
rio, ac dominio. Optati Mileuitani
tempore, Imperium Romanum nō
tantum Christianos, sed etiam Gē-
tiles complectebatur, qui dignita-

Contra
Parme-
nian. pag.
185.

tibus & honoribus, vt & Christiani
gaudebant, & qui fortassè Christia-
nos multitudine superabant. Nam
etiā si Constans, de quo sermo est
apud Optatum, Constantini fidem
sequeretur, nec ab eā, vt frater eius
Constantius, descuiisset: multita-
men Gentiles eius Imperio pare-
bant; ideoque cū Christiani par-
tem tantū imperij eo tempore
constituerent, meritò tunc dici po-
terat Ecclesiam in Republicā tan-
quam partem in toto residere, præ-
sertim cū eo tempore longiùs
latiùsque diffusum esset imperium,
quàm Ecclesia. Iam vero, cū ad-
impletum sit illud, *et adorabunt
eum omnes Reges terræ, omnes gentes
seruiunt ei. Dabo tibi gentes hæredita-
tem tuam, et possessionem tuam ter-
minos terræ: vnum & idem sunt Ec-
clesia & Respublica Christiana.*
Quid enim, quæso, est Ecclesia, nisi

Psal. 2.
& 71.

cœtus fidelium? & quid iam Respublica, nisi pariter cœtus fideiū? cū omnes illius partes, Rex nēpe & subditi, colla sua Christo sum-
 miserint, & Euangelio nomen religiosissimè dederint. Non potuit igitur Anonymus nisi malè feriatus, & Ecclesiæ infensus asseuerare, Ecclesiam esse in Republicá: quasi verò hæc multò latiùs pateret, & nonnullos contineret qui Christianæ Religionis mysteriis non essent initiati. Vnde turpiùs adhuc lapsus est, cum asseruit Ecclesiam in Republicâ esse, tanquã in alieno fundo, & territorio: ex hoc enim aperte sequitur, quòd cū Dominus fundi leges alteri ex iure præscribat, Reges & Principes, in quorū territorio est Ecclesia, leges ipsi Ecclesiæ posse præscribere, non tantum pro temporalibus, de his enim certò constat, sed pro disciplinâ

Ecclesiasticá, vt Concilia generalia indicere: hoc enim statim subiungit Anonymus, causas Clericorum cognoscere, iudicare, leges pro Ecclesię negotiis sancire, quæ profectò si præstarent Principes, falcem in alienam messem viderentur immittere. Quod vt refellam, tantùm referam illud Athanasij Epistolâ ad solitariam vitam agentes, vbi narrat Osium Cordubensem, cùm Constantius sibi potestatem hanc arrogaret, & iniquissimè vendicaret, dixisse, *Quis videns eum in discernendo, Principem se facere Episcoporum & præsidere iudicijs Ecclesiasticis, nō meritò dicat illum eam-ipsam abominationis desolationem esse, quæ dicta est à Daniele Propheta?* Quod autem Optatus nunquam voluerit Ecclesiam esse in Republicá, vt in alieno fundò, satis ex consequentibus videre est, siquidem dicit eam

esse in Republicá, vt Sacerdotium, virginitas, & pudicitia erant in Romano Imperio: atqui fuisset admodum iniuriosum Imperio dicere has virtutes morales in imperio tãquam in alieno fundo fuisse, cùm Romani inter omnes alias nationes iustitię essent obseruantissimi, & eâ de causâ, auctore Augustino, totius orbis dominatum à Deo cõsequi meruerint. Voluit ergo Opatus, virtutes esse in imperio tanquam decus & ornamentum maximum illius: sic & Ecclesiam esse in Republicá, tanquam proprium & præcipuum illius ornamentum quo exornatur, conseruatur, & extenditur.

Et iure-ne an iniuria olim Christiani Principes Nycenam, Constantino
politana, Ephesina Chalcedonensem atque alia concilia generalia coë-
gerint: hoc enim ad legis Diuinę, na-

Pag. 22.
num. 12.

Notetur
hęc Anonymi
Societatis
læcismus.

turalis, & Canonica executionem spectat.

De Con-
cil. pag. 58.
lib. 4.
Institur.
cap. 7. §. 8.

Hæresis manifesta. nihil sanctius & diuinius, & quod magis potestatem iurisdictionis Pontificiæ arguat, quàm Concilia Occumenica: eorum tamen conuocationem & indictionē noster Anonymus cum Luthero, Caluino & cæteris hæreticis ad Principes refert. Idque, inquit, quia *hoc ad executionem diuini naturalis et Canonici iuris spectat.* Verùm tantum abest vt hoc prædictis iuribus sit conforme, quin potius omnino repugnet. Diuino quidem, quia Matthei 18. nunquam est legitimum Concilium nisi sit in nomine Christi coactum, id est ab eo qui eius vices gerit nempe Pontifice: Christus enim ascendens in cælum Ecclesiam suam Petro in litore piscanti, non Tiberio Romæ imperanti

D. Ioan.
cap. vlt.

imperanti gubernandam commi-
 sit : Naturali quia vtriusque im-
 peratoris scilicet & Pontificis Im-
 perium diuisum est, nec vnus alte-
 rius fines debet occupare aut inua-
 dere; Pontificis autem fines Impe-
 rator inuaderet, eiusque iura viola-
 ret, si Sacrorum Conciliorum con-
 uocationem sibi arrogaret; sed præ-
 terea frustra laboraret, nunquam
 enim posset omnes totius orbis
 Episcopos conuocare, quippe-
 cum Ecclesia multò latiùs impe-
 rio pateat, minusque est, vt ait D.
 Leo, quod Romæ bellicus labor
 subdidit, quàm quod pax Chri-
 stiana subiecit. Iuri item Canoni-
 nico apertè contradicit, vt liqu-
 do constat ex varijs Pontificum &
 Conciliorum decretis; Marcelli
 martyris prohibentis synodos ge-
 nerales absque suâ licentiâ fieri.
 Iulij Pontificis obiurgantis orien-

Homil. in
 natu.
 Apost.

Epist. ad
 Episc. An-
 tioch.

Socrates
2. hist. cap.
27.

Act. 1.

Ruff. 18.
hist. cap. 1.
Epist.
Martiani
ad Leonē.

150
tales Episcopos , quod ipsum ad
Concilium non vocassent , cum
Ecclesiasticus canon iubeat , ne
absque sententiâ Romani Pontifi-
cis, Canonici conuentus habeantur.
Concilij Chalcedonensis, vbi
dicitur nunquam licuisse , nec con-
tigisse, vt Concilium sine cōsensu
summi Pontificis indiceretur. Ita-
que etsi legamus quosdam Impe-
ratores interdum aliqua conuocasse,
vt Cōstantinum, qui Nicenum,
& Martianum qui Chalcedonen-
se coëgit & alios quosdam ; id ta-
men nunquam fecisse absque au-
thoritate aut consensu summorum
Pontificum certo certius est. Con-
cilium enim Nicenum non à solo
Constantino , sed à Syluestro aut
Iulio indictū est, vt expressè habe-
tur 6. Synodo act. 16. quod clarif-
simè annotat Ruffinus cum ait Cō-
stantinum illud conuocasse ex sen-

rentiâ sacerdotum; Secunda etiam
 Synodus nẽpe Cõstantinopolita-
 na, indicta est à Damaso ope Theo- Theodo-
ret. 5. list,
cap. 9.
 dosij Imperatoris ex Theodoreto:
 Ephesina à Cœlestino cui⁹ legatus
 fuit Cyrillius Alexandrinus, vt con-
 stat ex epistolâ Cœlestini ad Cyril-
 lum. Quarta denique nempe Chal-
 cedonensis, à Leone 1. ex epistola
 Martiani Imperatoris, vbi gratula-
 tur Leoni, quòd Concilium neces-
 sarium iudicârit, vnde Leo Põtifex
 ita loquitur, *litteras dedimus ad fra-
 tres & Coëpiscopos nostros, ijsque Con-
 cilium generale indiximus.* Rationes
 autem ob quas summi Pontifices
 auctoritatem Imperatorũ illis tẽ-
 poribus interponerẽt, hæ fuerunt.
 Prima, vt Episcopis Imperatoriâ
 auctoritate fultis nullum ab ethni-
 cis in itinere crearetur periculum.
 Secunda, vt publicis sumptibus
 transeherentur: Tunc enim Epif-

copi magnâ paupertate preme-
 bantur, nec poterant tantos sumptus
 sustinere ex Theodoret. Tertia
 quòd ciuitates in quibus com-
 modè poterat celebrari Concilium
 subditæ essent Imperatori. vnde
 absque illius consensu generales
 conuentus haberi non poterant:
 vt neque hoc tempore in vllâ ciui-
 tate absque consensu Principis pos-
 sent celebrari: cùm generales con-
 uentus Principibus suspecti ha-
 beantur. Denique etiamsi Impera-
 tores interdum authoritate propriâ
 Concilia congregarent, ius tamen
 propterea ad illa conuocanda sibi
 acquisiuisse nō est existimandum,
 hoc enim ex cōsensu Pontificū fe-
 cerunt: quæ autē ab aliquo cum al-
 terius consensu fiunt nullum plane
 ius proprium illi tribuere possunt.
 Quis enim dicet, vt exemplum do-
 mesticum producamus, Carolo

quinto in regnum Galliaẽ ullum ius
fuisse quaẽsitũ? cũ Franciscus pri-
mus Galliaẽ Rex edixit vt in omni-
bus Galliaẽ ciuitatibus per quas iter
haberet claues illi à ciuibus offer-
rentur, vt lites omnes decideret,
extremóque quod aiunt, statuto
terminaret, atque etiam capitali
supplicio condemnatos regiã au-
thoritate absolueret, & pro arbi-
trio indulgeret. Hæc enim cũ
Rege volente ac consentiente fie-
rent, nullum plane ius Gallicanaẽ
Monarchiaẽ in Carolum quintum
trãsferiebant. Sic sane licet Impera-
tores olim Còcilia generalia coege-
rint quia tamen id volente, con-
sentiente, approbãte summo Pon-
tifici præstabant, nullum propte-
rea proprium ius ad ea conuocan-
da sibi potuerunt acquirere.

Nam Ecclesia per & propter Chri- Pag. 24.
num. 14.
stum, Petrus autem per & propter

34

Ecclesiam, sicut oculus per et propter hominem subsistit.

Quod de summo Pontifice antea falsó & temere pronuntiauit, nunc de D. Petro pronuntiat, eum scilicet esse per Ecclesiam. Quod tamen non minùs quàm alterum facilè refellitur : Ecclesia enim D. Petrum non elegit, neque vnquam illi dixit, *pasce oves meas, aut tibi dabo clauēs regni cælorum*, sicut fecit Christus, ergo ab eo non ab Ecclesiâ est electus. Forte dicet cum Almaino Christum, in electione D. Petri Ecclesiam præuenisse, quandoquidem si nō fuisset ab eo electus, infallibiliter post ascensionem eum erat electura. Sed hoc gratis & absque ratione dicitur. Quis enim primò Almaino reuelauit euentum illum conditionatum? quòd nempe infallibiliter Ecclesia D. Petrum elegisset, ma-

Ioan. vii.
Matth. 16.

De auctoritate
Eccl. c. 8.

ximè cum rationes dubitandi multæ sint. D. enim Andreas erat D. Petro ætate & vocatione senior: D. Ioannes discipulus vnicè à Christo dilectus, & cui reuelata fuerant secreta cœlestia: Iacobus Alphei erat frater Domini. Ideoque si Christus non elegisset D. Petrum, fortasse hos aut alios in electione ei prætulissent. Dicamus ergo D. Petrum esse quidem propter Ecclesiam, vt præmonuimus, non tamen per Ecclesiam, sed per Christum à quo clauēs regni cœlorum immediatè accepit.

Qui contrariam sententiam, id est absolutam Pape potestatem sequitur, primò statum Ecclesiæ cum eius regimine confundunt.

Sibi profecto non constat Anonymus, nec quid ipse velit satis perfectum habet: statum enim & regimen vt res multum diuersas hîc se-

parat & distinguit, cum tamen statum prout à regimine distinguitur non possit definire. Necesse enim est statum esse potestatem aliquam supremam, quæ cum ad actum gubernationis necessariò, & per se referatur, non potest non esse regimen: aut si non sit potestas, erit inanis & otiosus quidam titulus, nullius iurisdictionis per se exercendæ capax. Respondebit forte statum esse id à quo tantum vnitas, & ordo Reipublicæ petitur, non autem gubernatio, seu potestas iurisdictionis in alios; vt videre est in Republicâ Venetorum in quâ Dux licet sit omnium primus, per se tamen nullam habet potestatem, aut iurisdictionem in alios, sed tantum cum optimatum seu Patriciorum consilio: & hoc est quod præcipuè toto suo libello intendit Anonymus, Pontificem nempe esse in Ec-

157
clesiâ, quod Dux ille est in Veneto-
rum Republicâ. Itaut Pontifex sit
quidem omnium primus, vt ab eo
vnitas & ordo inferiorum & supe-
riorum desumatur, nullam tamen
sine Aristocratico consilio guber-
nandi potestatem habeat. Quod
certè non solùm est iniuriosũ Pon-
fici, sed etiam prorsus hæreticum.
De fide enim est statum Ecclesiæ
esse Monarchicum, & Ecclesiam
habere vnum supremum in terris
visibilem Monarcham à quo gu-
bernetur, vt contra nostræ ætatis
nouatores luculenter demonstrant
omnes melioris notæ Theologi.
Atqui posito quòd ille Monarcha
non possit absque optimatum con-
silio Ecclesiam regere, status Eccle-
siæ non magis dicetur Monarchi-
cus, quàm status Venetorum, qui
solùm vt norunt omnes, est Aristo-
craticus; hoc autem de Ecclesiâ di-

cere temerarium est & hæreticum:
 cum Papa ut iam ostendimus, per
 se Ecclesiam regat, leges condendo,
 eas iuridicè interpretando, consilia
 generalia indicendo, excommuni-
 cationes latæ sententiæ decernen-
 do, & alia id genus quæ à Duce Ve-
 netae absque optimatibus præ-
 stari minimè possunt. Manifestum
 igitur est errasse Anonymum, ubi
 statum à regimine distinxit, & vnū
 Monarchicum esse voluit alterum
 Aristocraticū : maxime cum in eo
 à Parisiensium Theologorū senten-
 tiâ apertè recedat: Alliacen-
 sis enim
 ita loquitur: *Dico quòd iura quæ lo-
 quuntur de plenitudine potestatis, in-
 telliguntur de plenitudine iurisdictio-
 nis, et non de plenitudine ordinis et
 quod hæc plenitudo iurisdictionis re-
 sident in Romano Pontifice Petro
 succedente: Atqui plenitudo iurisdi-
 ctionis nihil aliud est quàm regi-
 men; Igitur illud erit Monarchicū*

in vno scilicet Romano Pontifice.

Almainus, *Christus*, inquit, *fuit sapientissimus, quia plenus sapientiâ, et*

De potest.
Eccle.
cap. 4.

quod instituerit optimam politiam.

Sed optima politia, inquit, *regi debet regimine regali, vt docet Aristoteles*

in politicis, hoc est, vt sit vnus qui

in vnumquemque authoritatẽ ha-

beat, & nullus alius in eum. Itẽ sub

finem capitis, Ideo, inquit, resolu-

toricẽ dicendum est, quod quantum ad

iurisdictionem quæ respicit forum ex-

terius, non est in omnibus Sacerdotibus

aqualis, sed est vna suprema in ipso

Pontifice etiam ex institutione Christi

et non solũ humana. Cũ ergo

potestas suprema sit in ipso Papa

suprema, ab eo non solũ ordo &

vnitas, sed etiam authoritas guber-

nandi desumerur.

Tertium & quartum, inquit, non

Pag. 24.
num. 14.

sunt vnus assis.

Hæ scilicet duæ propositiones:

prior, Ecclesia in Synodo congregata nullum planè ius habet decerdi secluso aut non consentiente Romano Pontifice. Verùm supra ostendimus Anonymum hac in re miserabiliter cecutire: Nullus enim eorum qui stant à partibus Pontificum, vnquam ab Episcopis ius definiendi abstulit. Posterior, summus Pontifex omnes Canones vniuersalium Conciliorum ad Ecclesiasticam politiam spectâtes potest ex animi sui sententiâ antiquare, iusque omne relaxare & nouum condere. Verum nemo etiam hoc defendit. Primùm enim duo sunt genera Canonum, alij ad fidem, alij ad mores referuntur: priores nullo modo potest antiquare, imo iis non minùs quàm alij fideles adstringitur: & sic intelligitur illud Zosimi, *contra statuta patrum condere aliquid vel mutare, nec huius*

25. qu. 1.
Can.
contra.

quidem potest sedis auctoritas: apud
 nos enim inconuulsis radicibus uiuit
 antiquitas, cui decreta patrum sanxere
 reuerētiam. Illudque Gregorij cum
 quatuor Concilia, tanquam qua-
 tuor Euangelia veneratur: Quia,
 inquit, dum sunt uniuersali constitu-
 ta consensu, se & nō illa destruit, quis-
 quis præsumat absoluerē, quos ligant,
 ut ligare quos soluunt. Agunt enim
 Zozimus & D. Gregorius de con-
 clusionibus & decretis fidei. poste-
 riores verò qui ad mores spectant,
 iam satis ostēdimus eos posse à Pō-
 tifice pro plenitudine suæ potesta-
 tis antiquari, non quidem ex animi
 sui sententiâ & ad arbitrium, ut ca-
 lumniatur Anonymus, sed cum iu-
 stâ & rationabili causâ.

*Procul dubio si verum amamus,
 omnibus hominibus est inditum, ut li-
 beri & beati esse velint. Quis autē bea-
 tus est absque libertate? At si infallibili-
 tas discernendi, in uno & solo habitat*

Dist. 15.
 Can. sicut.

Pag. 24.
 n. 14.

Pontifice, nullus in Ecclesiæ conuentibus libertatem ferendæ sententiæ obtinet.

12. qu. 2.

Nemo igitur beatus erit nisi libertate ferendæ sententiæ in Concilio gaudeat. ô te non tam censurâ quam risu & sibilo dignum ! vel enim de beatitudine patriæ agis, Doctor Anonyme, hæc autem si quid bene ex Theologia didicisti, in actione liberâ non consistit. Vel de beatitudine vię, at quis hanc adhuc beatitudinem in libertate ferendæ in Conciliis sententiæ cōstituat ? Vniuersa plebs Christiana, Sacerdotes, & tu ipse, magnus licet magister audias, nunquâ in hac vitâ beati essetis. Cum ne-quidē ad ferendam absolutè sentētiam, quantuminùs ad liberè ferēdam nō admittamini. Sed hoc vt ridiculum mittamus. Certum enim est quicquid in cōtrarium iactes & effutias,

Praelatos in Concilijs libertate ferenda sententiæ gaudere, imo-ue-
rò in Concilio Lateranenſi vnicus
Episcopus reſtitit alijs omnib⁹ qui
potestatē Pōtificis decreto speciali
cōfirmabant: itaut nunquam illud
voluerit admittere: neque tamen
propterea aut accusatus fuit, aut re-
prehensus. Hoc satis vt arbitror
agnoscit Anonymus: sed cum An-
tibellarmino hæretico illud ideo
voluit obtrudere, vt Pontifices
Romanos in tyrannos degenerâſſe
perſuaderet.

Schola Parisiensis quæ decretis Pag. 26.
Constantiensis Synodi nititur, docet num. 16.
Papam eo tantum in casu iudicari
posse à Concilio, quo Ecclesiam noto-
riè scandalizat, estque incorrigibilis.

Non est singularis Scholæ Pa-
risiensis opinio, Papam in casu quo
pertinaciter, & publicè hæresi ad-
hæreret, iudicari posse à Concilio

Dist. 40.
Can.
si Papa.

generali: hoc enim omnes quot
quot sunt Doctores asserunt: Tunc
enim non est amplius Ecclesiæ mē-
brum, quia nec interiùs per fidem
internam, nec exteriùs per confes-
sionem exteriorem fidei, Ecclesia
adhæret: Atqui membrum est de
ratione capitis, igitur non est am-
plius caput, ac proinde vel est de-
positus, vel deponendus à Conci-
lio. Verùm in hoc non conquies-
cit Anonymus, sed vltteriùs progre-
ditur; nempè propter quodlibet
crimen scandalosum in quo esse
incorrigibilis Papa, eū deponi pos-
se, & debere: & quidem hæc est
quorundam Parisiensium opinio
vt Gersonis & Almaini & quorum-
dam aliorum: malè tamen Anony-
mus propter duos aut tres Docto-
res, dicit esse totius Scholæ Pari-
sienfis: cū nullum huius con-
clusionis decretum extet: dicam
ergo

De aucto-
ritate Ec-
clesiæ cap.
12.

ergo liberè & ingenuè sententiam
 illam mihi Doctori Parisiensi, mi-
 nimè probari: Primùm enim con-
 stat Pontificem iure Ecclesiastico
 deponi non posse, cùm sit supra il-
 lud, vt Rex supra ius ciuile: Tan-
 tùm ergo diuino iure deponi po-
 test: Atqui iure diuino nullũ aliud
 crimen ab hæresi inducit deposi-
 tionem: tum quia scriptum legi-
 tur. *Hæreticum hominem post vnā* Ad Tit. 3.
vel alteram correptionem deuota, de-
trahatus est enim in suo sensu: tum
etiam quia quamdiu bene docent
Prælati, tamdiu sunt audiendi & re-
tinendi iuxta illud Matthei 13. super Matth. 13.
cathedram Moſis ſederunt Scribæ
& Pharifæi, quęcumque dixerint ſer-
uate, & facite, opera vero eorum
nolite facere, ex quo liquidò con-
 ſtat, cùm propter quęcumque alia
 crimina, ſi hæreſim excipias, Ponti-
 fex bene & legitimè docere non

definat, cum propter illa non esse deponendum, sed tantum propter hæresim. Quamobrem dicendum est bonos mores in Pontifice, scientiam, charitatem, experientiam regiminis esse tantum dispositiones ad melius esse, ut loquuntur Scholastici; fidem verò, seu esse Christianum, ad necessè, seu ad simpliciter esse. Neque urgeat Anonymus, Epistolam Clementis ad Iacobum, in qua testatur Clemens Petrum hæc verba dixisse cum ipsum institueret:

Almai-
nus cap.
12.

Neque enim iudicem aut cognitorem secularium causarum hodiè te cōstitui voluit Christus, ne præfocatus presentibus hominum curis, non possis verbo Dei vacare, et secundum veritatis regulam discernere bonos à malis: & infra. Si enim mundialibus curis fueris occupatus, te ipsum decipies, & eos qui te audiunt. Non enim poteris quæ ad

salutem pertinent, plenius singulis quibusque distinguere, & ex eo fiet, ut & tu, tanquam non docueris quæ ad salutem pertinent, deponaris; & discipuli tui per ignorantiam pereant. Verùm primò sole clarius est epistolam illam esse confictam, cùm sex annis ante D. Petrum, & institutionem hanc Clementis, D. Iacobus Baronius ad annum 63. martyrio decesserit. Secundò, Ecclesia tunc non adeò ampla, & dilatata erat, ut curis mūdialibus tantopere distraherentur illius Prælati, præsertim cùm ex Tertulliano, maior pars Christianorum tunc essent pauperes, & simplices, vigeretque adhuc illud Apostoli: *Re-* Ad Cor.
gnum Dei non multipotentes, nō multi
nobiles, sed infirma elegit Deus. Denique ex contextu epistolæ sequeretur summum Pontificem propter negligentiam esse ab Ecclesiâ deponendum, quod nemo ne quidē

Anonymus ipse dixerit. Clarum est igitur falsò & iniuriosè de supremo Pontificatu locutum esse Anonymum, cùm in vniuersum pro crimine scandaloso in quo esset Pontifex incorrigibilis, ipsum è dignitatis sede deturbari ac deponi posse affirmauit. Pontifex enim propter solam hæresim deponi potest.

Gerson alijque Doctores Parisienses uno verbo respondent nemini in suâ causâ credendum, nisi conformiter ad legem diuinam & naturalem loquatur.

Pag. 27.
num. 16.

Gersonio & Almaino nolim quicquam detrahere, nunquam tamen illorum hæc in re sententia mihi probabitur. Certum enim est licere Papæ & aliis Principibus, iuxta meliorem & receptiorem Doctorum sententiam, in suâ propriâ causâ, siue patrimonij, siue delicti

ius dicere: Capitulo, *Cùm venissent, de iudicijs. Cum super privilegijs sedis Apostolicæ causa vertitur, nolumus de ipsis per alios iudicare.* Quantò verò magis licebit istud in causis suarum dignitatum; in quâ etiam inferior, nisi aliàs recusetur, Iudex est competens : vnde si inferioribus Prælati regulariter testificari sit licitum in causis suarum Ecclesiarû, capitulo, *insuper de testibus* : quantò magis supremo Ecclesiæ Pontifici ius suum dicere licebit, eique, quâvis in propriâ causâ, à subditis præbendus erit assensus. Vnde cum Apostolus pro Apostolatu suo testimonium tulerit, neq; indecorum putauerit, suum in cœlum raptum publicare, sanctissimi Pontifices martyrio, aut sanctitate clari, pro suâ Apostolicâ sede & Primatu iustè & legitimè poterunt decernere. Neque hîc importunè ogganniat

Anonymus, me à Doctorem Parisiensium castris & sententiâ discedere, nam quòd non sit Pontifici in suâ causâ credendum, nullibi à Parisiensi Facultate definitum inuenio.

Pag. 24.
num 14.

Certè, si hæc sententia inualescat, sequetur Christum extrema quæque passum, ut Ecclesiam sponsam, id est, universos Christianos despotico Romani Pontificis imperio subderet.

Christus extrema passus est, non ut Aristocratico Prelatorum imperio Christianos omnes subderet, sed potius ut Ecclesiam sibi gloriosam, non habentem maculam, neque rugam exhiberet, ut nos à servitute Dæmonis eriperet, & transferret in regnum dilectionis suæ; verum si hæc Anonymi inualescat consequentia, Regi nostro grauis & non ferenda infertur iniuria: etsi enim illius regnum atque domi-

nium omninò sit independens, & absolutum, nulloque modo precarium, neq; aliter quàm per Dei gratiam, mediàte paternâ successione, quæsitum: non tamen Rex nobis despoticè & heriliter dominatur. Neque enim Gallia serua est, sed tantùm suo Regi subdita: Sic fanè, licet dominium Pontificum esset absolutum, neque dependens ab Ecclesiâ, sed tantum à Christo, vt alij Theologi, præter Parisienses perhibent, non propterea Pontifex omnes Christianos despoticè regeret. Nihil de propositione dico, sed ineptam & periculosam Anonymi consequentiam tantùm redarguo.

Sextò, dicere inferiorum Prælatorum & Paræcorum potestatem iurisdictionis esse immediatè à Christo, Evangelicæ & Apostolicæ consonat veritati.

Articulus est sextus censuræ Parisiensis contra quendam Theologū nomine *Sarrasin*, Ann. 1429. de quā, etsi nolim disputare aut digladiari, cū à decretis Facultatis Parisiensis, quandiu à summo Pontifice aut Concilio, generali reprobata non fuerint, animus non sit recedere; dicam tamen contra Anonymum, alterum è duobus necessario sequi; vel huic articulo apertè illum contradicere, quando Pontificem, qui certè est de numero Prælatorum, potestatem ab Ecclesiā & per Ecclesiam toto suo libello habere docet: vel certè supremi Pontificis conditionem Prælatorum inferiorum, nec non Paræcorum conditione esse ignobiliorem: hi enim ex sententiā Anonymi iurisdictionem à Christo habent immediatè: Summus verò Pontifex à solâ Ecclesiâ & per Ecclesiam.

ENIMVERO cùm Anonymus tam initio quàm in fine libelli sui nomen Facultatis Theologiæ Parisiensis siue Sorbonæ impudenter & falsò ad suorum dogmatum confirmationem vsurpet; lubet hoc loco clarissimorum Doctorem sententias apponere, qui etsi pro maiori parte à partibus Conciliorum generalium supra Pontificem steterint, eius tamen auctoritatem, nunquam tam indignè ac Anonymus deprefferunt, nec in eum ordinem quem libello suo explicat, coegerunt.

Primùm ergo ordiemur à cõdemnatione errorum Malefoni Theologi Parisiensis, in quâ habetur hæc conclusio, *Ad sanctam sedem Apostolicam pertinet autoritate iudiciali supremâ circa ea quæ sunt fidei iudicialiter definire, utpote cuius fides nunquam deficit.* Huic autem apertè repugnat Anonymus, qui suo toto libello definitiones supremas in fide à Conciliis generalibus, siue Pontifex adsit, siue non pendere affirmat.

Libro sententiarum ad calcem.

PETRVS DE ALLIA CO
ex magno collegij Nauarræ Magistro
Cardinalis & Archiepis. Cameracensis.

Ideo Dominus hoc præuidens (nempè scilicet dissensionem) contulit Petro pro se

De origi-
ne Eccle-
siastica
potestatis.
Concl. 2.

Et successoribus suis auctoritatem disponendi Ministros Ecclesiæ, Et determinandi eorum iurisdictionem dicens; Pascite oves meas, id est, sis Pastor Et Prælatus generalis, ad quem pertinet dispositio Et regimen regale ouium Et ouilis, Et sic quamuis omnes Apostoli initio eandem habuissent à Christo potestatem, Et æqualem clauum Et iurisdictionis: non tamen iurisdictionem siue materiam subiectam secundum aliquos, nisi Petrus Et cui committere voluit.

Contra Anonymum, qui non vult in Petro prius, quàm in Ecclesiâ aut Apostolis fuisse iurisdictionem.

De iure
vacantia-
rum.

Vnde vltius sequitur quod Papa iure potuit ordinationes maiorum Et electiuarum dignitatum, ac collationes aliorum beneficiorum sibi Et sedi Apostolicæ reseruare, quia hæc antiquissimo iure sibi competeabant. Ne ergo Anonymus insurgat aduersus Episcopatum collationes, quas sibi in Gallia Pontifex ad nominationem Regis Christianissimi retinuit.

Ex quo sub-infertur quod cum sedes Apostolica in præmissis præscripserit, supposito quòd summi Pontifices abusi fuerint, vel excesserint, non propter hoc est ab eis ius illud tollendum. Contraria habet Anonymus, vbi ait ius electionum nunquam posse præscriptione aboleri.

IOANNES GERSON, DOCTOR & Cancellarius Parisiensis.

Verumtamen hoc non impedit quominus Petro & successoribus eius immediatè: Ergo non ab Ecclesia, & per Ecclesiam, vt contendit Anonymus.

Plenitudo legis Ecclesiasticæ sic propriè sumptæ non potest esse de lege ordinaria, nisi in vnico summo Pōtifice formaliter, & subiectiuè: alioquin Ecclesiasticum regimen non esset Monarchicum, & habere posset multiplex caput ex quo, quod apertè est hæreticum, quod tamen toto suo libello contendit Anonymus.

Sub finem libri de Ecclesiasticâ potestate apertè declarat, se non assertiuè de potestate summi Pontificis esse loquutum, sed solùm opinatiuè. finit, inquit, tractatulus magis ad inquisitionem veritatis quàm ad determinationem editus, &c. pro parte Cancellarij Parisiensis.. Cur ergo Anonymus ea dogmata Gersonis pertinaciter tuetur, quasi ipse determinatè, vt aiunt, loquutus esset.

IACOBVS ALMAINVS DOCTOR Parisiensis patriâ Senonensis.

Vni Petro & successoribus eius data est pote-

stas constituendi Canones, & dignitates Ecclesiasticas per vniuersum orbem, sicut dignitates & curas. Audi Anonyme cōstituēdi canones, & præterea conferendi Episcopatus.

Matthei 18. amen, amen dico vobis quæcumque ligaueritis, nulli, inquit, supposito tunc dedit potestatem iurisdictionis, sed solum quando, Ioannis cap. Vltimo post resurrectionem dixit Petro, pasce oues meas, etiamsi essent aliqui Sacerdotes, scilicet in cænâ consecrati.

Papa non est de iure, sed supra ius Canonicum, quâ ergo fronte Anonymus, ei vult Pontificem subijcere?

De potestate
Ecclesiast. cap.
3.

Est quædam obligatio, quâ obligatur homo absque consensu imò eo inuito. Item, non potest quis obligari nisi per consensum vel ex præcepto, & voluntate superiorum, quia non est nisi hic duplex modus obligandi. Anonymus omnes Principatus quoad vim coactiuam ab hominum consensu pendere censet.

Cap. 12.
de potestate
Ecclesiast.
conclus.
3.

Summus Pontifex in foro exteriori potest aliquid præcipere, cuius transgressio erit peccatum mortale, quæ non esset excluso tali præcepto. Anonymus putat Pontificem non habere potestatem instituendi leges, seu canones.

IOANNES MAIOR DOCTOR Parisiensis.

Dico quod ad Pontificem spectat conuocare Concilium, & ita facit communiter, & sic aliquomodo dat robur Concilijs, quia est causa congregandi Concilij & paulopost. Pōtificis auctoritas communiter est excepta in Concilijs, quia multæ leges Conciliorum sunt humanae, & interdum patiuntur exceptionem, & ὁπότε, & Concilium non potest semper congregari. Videat Anonymus quo pacto hæc cum propositionibus quibusdam libelli sui consentiant.

IOANNES DE CELLAIA Doctor Parisiensis.

Dominus Papa regit vniuersalem Ecclesiam & meritò potest vocari Rex, quod probat ex eo quod in Ecclesiâ de beato Petro canitur. Simon Petre antequam vocarem te, noui te, & super plebem meam te constitui: Ergo contra Anonymum regimen Ecclesiæ est regale & Monarchicum.

Item, Romanus Pontifex solum in casu In 4 dist. hæreseos deponi potest, & non in quocumque 24. qu. 4. alio crimine Ecclesiam scandalizante. & 7.

Item, *Papa habet potestatem suam non ab Angelis, non ab Apostolis, non ab Ecclesiâ. Asserit Anonymus potestatem Papæ esse ab Ecclesiâ & per Ecclesiam.*

ROBERTVS CÆNALIS
Doctor Parisiensis & Episcopus
Abrincensis.

Lib. 2. de
oblata ab
hereticis
conditio.
pag. 42.

Pontificis Monarchia ad hoc ut doctrinæ consensus retineatur, non solum utilis, sed etiam necessaria: imò & à Christo instituta & ab omnibus omniū ætatum Doctoribus asserta est.

GILBERTVS GENEBRARDVS,
Doctor Parisiensis, Professor Regius,
& Archiepiscopus Aquisgranensis.

Nos multo magis summum Pontificem Christi Vicarium appellabimus, eiusque successionem recensebimus ad seculorum extremum duraturam, & unam ex certis Ecclesiæ dotibus, quæ nos in Catholicæ gremio iustissimo teneat. Anonymus contra videtur Papam Ecclesiæ Vicarium statuere.

Lib. 3. pag.
402.

Ecclesia supra Petrum fundata est, unus Episcopus in Catholicâ Ecclesiâ à quo ceteri pendere debeant, & Romana Ecclesia ab omnibus

alijs Ecclesijs pro matrice & radice Catholicæ Ecclesiæ est agnoscenda.

Hec sunt quæ cōtrà te quisquis es Anonymus (qui scilicet nuperrimè libellum de Ecclesiasticâ & politica potestate edidisti) falsissima dogmata, & Ecclesiæ Christianæ perniciosissima, dicenda esse duxi. In quibus si quid durius & asperius dictum putes, memineris quæso *meliora esse vulnera diligentis, quam oscula blandientis.* Ego quidquid hoc examine scripsi, pro veritatis causa scripsi, christiana Charitate incitatus. Hæc sane est (ut piè ac deuotè pro suo more loquitur D. Bernardus epistola ad Fulconem Archidiaconum lingonensem popularem tuum) *quæ ad te obiurgandum me compulit, quæ tibi condolet, tibi compatitur; Nec frustra forsan tibi compatitur; dummodo patienter audias Unde compatiatur. A te se queritur offensam, expostulat læsam, læsa tamen non prouocat, sed spreta te reuocat, licet læsa, licet offensa, si conuersus fueris ad illam obuiabit tibi quasi mater honorificata, & oblita sui ruet in amplexum tui.* Sed in quo, inquis, læsi, in quo offendi? in eo, inquam, quòd spiritalem summi Pontificis authoritatē libello tuo non imminueris tantum, sed quasi funditus sustuleris, quòd in Ecclesiam anar-

Prouerb.

27.

chiam induxeris, quòd Gallicanos antistites læseris quod denique sociorum tuorum ac Sorbonicæ domus pacem, & otium perturbaueris.

Hæc Ecclesiæ Catholicæ Apostolicæ & Romanæ Necnon sanctæ sedis Apostolicæ iudicio summissa sunt.

FINIS.

212

212





